

四庫全書

集部

# 欽定四庫全書

集部

御定歷代賦彙卷三十二

詳校官檢討<sub>臣</sub>劉圻

主事銜<sub>臣</sub>徐以坤覆勘

總校官編修<sub>臣</sub>王燕緒

校對官中書<sub>臣</sub>嵇承志

謄錄監生<sub>臣</sub>陳瞻燧

欽定四庫全書

御定歷代賦彙卷三十二

都邑

南都賦

漢張衡

於顯樂都既麗且康陪京之南居漢之陽割周楚之豐  
壤跨荆豫而為疆體夾塏以開敞紛郁郁其難詳爾其  
地勢則武關關其西桐柏揭其東流滄浪而為隍廓方  
城而為墉湯谷涌其後清水盪其胃推淮引湍三方是

通其寶利珍怪則金彩玉璞隋珠夜光銅錫鉛錯赭堊  
流黃綠碧紫英青腹丹粟太一餘糧中黃穀玉松子神  
陂赤靈解角耕父揚光於清冷之淵遊女弄珠於漢皋  
之曲其山則崆峒嶠嶧嶧嶧嶧嶧嶧嶧嶧嶧嶧嶧嶧嶧  
幽谷簪崙夏含霜雪或嵒嶙而纚聯或豁爾而中絕鞠  
巍巍其隱天俯而觀乎雲霓若夫天封大狐列仙之陬  
上平衍而曠蕩下蒙籠而崎嶇坂坻截薛而成巘谿壑  
錯繆而盤紆芝房菌蠢生其隈玉膏溢溢流其隅崑崙

無以夸閭風不能踰其木則檉松楔椶椶柏杻榲楓桺  
櫨樾帝女之桑楮枿枿櫨枿柘櫨檀結根竦本垂條嬋  
媛布綠葉之萋萋敷華蕊之蓂蓂玄雲合而重陰谷風  
起而增哀攢立叢駢青冥盱眙杳藹蓊鬱於谷底森蓊  
蓊而刺天虎豹黃熊游其下穀獾獾狌戲其巔鸞鸞鵷  
雛翔其上騰猿飛猱棲其間其竹則鐘籠篴篥篠簞簞  
簞綠延坻坂澶漫陸離阿那蒼茸風靡雲披爾其川瀆  
則滢瀢灤灤發源巖穴潛窟洞出沒滑濺滴布濩漫汗

潏沆洋溢總括趣欬箭馳風疾流湍投澱砂八輶軋長  
輸遠逝滂淚減汨其水蟲則有蠓龜鳴蛇潛龍伏螭鱉  
鱣鰐鰪鼃鼉蛟螭巨蚌函珠駁蝦委蛇其陂澤則有鉗  
盧玉池赭陽東陂貯水潏洿亘望無涯其草則有薦葍  
蘋莞蔣蒲蒹葭藻茆菱芡芙蓉含華從風發榮菲披芬  
葩其鳥則有鴛鴦鵲鷺鴻鵠鴛鴦鵲鷺鵠鵠鵠鵠鵠  
嚶嚶和鳴澹淡隨波其水則開竇灑流浸彼稻田溝澮  
脈連堤塍相軋朝雲不興而潢潦獨臻決渌則曠為漑

爲陸冬稌夏稻隨時代熟其原野則有桑漆麻苧菽麥  
稷黍百穀蕃廡翼翼與與若其園圃則有蓼葢蓂荷諸  
蔗薑藟蒟蒻芋瓜乃有櫻梅山柿侯桃棗栗栲棗若榴  
穰橙鄧橘其香草則有薜荔蕙若薇蕪蓀萋曖菡萏蔚  
含芬吐芳若其廚膳則有華鄉重秬滢皋香秬歸鴈鳴  
鵲黃稻鱸魚以爲芍藥酸甜滋味百種千名春卯夏筍  
秋韭冬菁蘇葢紫薑拂徹羶腥酒則九醞甘醴十旬兼  
清醪數徑寸浮蟻若萍其甘不爽醉而不醒及其糾宗

綏族禰祠蒸嘗以速遠朋嘉賓是將揖讓而升宴於蘭  
堂珍羞琅玕充溢圓方琢珎狎獵金銀琳琅侍者盡媚  
巾幘鮮明被服雜錯履躡華英僇才齊敏受爵傳觴獻  
酬既交率禮無違彈琴擲籥流風徘徊清角發徵聽者  
增哀客賦醉言歸主稱露未晞接歡宴於日夜終愜樂  
之令儀於是暮春之禊元巳之辰方軌齊軫被於陽瀕  
朱帷連網曜野映雲男女姣服駱驛繽紛致飾程璽僇  
紹便娟微眇流睇蛾眉連卷於是齊僮唱兮列趙女坐



南歌兮起鄭舞白鶴飛兮蘭曳緒脩袖繚繞而滿庭羅  
襪躡蹠而容與翩緜緜其若絕眩將墜而復舉翹遙遷  
延蹶躑蹢躑結九秋之增傷怨西荆之折盤彈箏吹笙  
更為新聲寡婦悲吟鷓鴣哀鳴坐者悽愴蕩寬傷精於  
是羣士放逐馳乎沙場騶騏齊鑣黃間機張足逸驚飗  
鏃析毫芒俯貫魴鱖仰落雙鷁魚不及竄鳥不暇翔爾  
乃撫輕舟兮浮清池亂北渚兮揭南涯汰瀼潏兮舩容  
裔陽侯澆兮掩鳧鷖追水豹兮鞭蜩蝻憚夔龍兮怖蛟

螭於是日將逮昏樂者未荒收歡命駕分背迴塘車雷震而風厲馬鹿超而龍驤夕暮言歸其樂難忘斯乃游觀之好耳目之娛未覩其美者焉足稱舉夫南陽者真所謂漢之舊都也遠世則劉后甘厥龍醢視魯縣而來遷奉先帝而追孝立唐祀於堯山固靈根於夏葉終三代而始蕃非純德之宏圖孰能揆而處旃近則考侯思故匪居匪寧穢長沙之無樂厯江湘而北征曜朱光於白水會九世而飛榮察茲邦之神偉啓天心而寤靈於

是宮室則有園廬舊宅隆崇崔嵬御房穆以華麗連閣  
煥其相徽聖皇之所逍遙靈祇之所保綏章陵鬱以青  
葱清廟肅以微微皇祖歆而降福彌萬祀而無衰帝王  
臧其擅美詠南音以顧懷且其君子弘懿明叡允恭溫  
良容止可則出言有章進退屈伸與時抑揚方今天地  
之睚刺帝亂其政豺虎肆虐真人革命之秋也爾其則  
有謀臣武將皆能攫戾執猛破堅摧剛排捷陷局蹙蹈  
咸陽高祖階其塗光武攬其英是以關門反距漢德久

長及其去危乘安視人用遷周召之儔據鼎足焉以庀  
王職縉紳之倫經綸訓典敷納以言是以朝無闕政風  
烈昭宣也於是乎鯢齒睂壽鮐背之叟皤皤然被黃髮  
者喟然相與歌曰望翠華兮歲蕤建太常兮徘徊駟飛  
龍兮騤騤振和鑾兮京師總萬乘兮徘徊按平路兮來  
歸豈不思天子南巡之辭者哉遂作頌曰皇祖止焉光  
武起焉據彼河洛統四海焉本枝百世位天子焉永世  
克孝懷桑梓焉真人南巡覩舊里焉

洛都賦

漢  
傅毅

惟漢元之運會世祖受命而弭亂體神武之聖姿握天  
人之契贊尋往代之規兆仍險塞之自然被崑崙之洪  
流據伊洛之雙川挾成皋之嚴阻扶二嶠之崇山分畫  
經緯開正塗軌序立廟祧面朝後市歎息起雲霧奮袂  
生風雨覽正殿之體制承日月之皓精騁流星於突漏  
追歸雁於軒轅帶螭龍之疏鏤垂菡萏之敷榮顧濯龍  
之臺觀望永安之園藪溥清沼以汎舟浮翠蚪與玄武

桑宮繭館區制有軌后帥九嬪躬勅工女近則明堂辟  
雍靈臺之列宗祀揚化雲物是察其後則有長岡芒阜  
屬以首山通谷岷岨石瀨寒泉於是乘輿鳴和按節發  
輶列翠蓋方龍輶備五路之時副檻三辰之旂旂傳詵  
作僕羲和奉時千乘雷駭萬騎星鋪絡繹相屬揮沫揚  
鑣羣仙列於中庭發魚龍之巨偉羨門拊鼓偃佺操麾  
講武農隙校獵因田搜幽林以集禽激通川以御獸跨  
乘黃射遊麋弦不虛控目不徒睎解腋分心應箭殫夷

然後弭節容與淶水之濱垂芳餌於清流出旋瀨之潛鱗

論都賦

有序

漢

杜篤

臣聞知而復知是為重知臣所欲言陛下已知故略其梗槩不敢具陳昔盤庚去奢行儉於亳成周之隆乃即中洛遭時制都不常厥邑賢聖之慮蓋有優劣霸王之姿明知相絕守國之勢同歸異術或棄去阻阨務處平易或據山帶河并吞六國或富貴思歸不顧見襲或掩空擊虛自蜀漢出即日車駕策由一卒或知而不從久

都境埆臣不敢有所據竊見司馬相如揚子雲作辭賦以諷主上臣誠慕之伏作書一篇名曰論都謹并封奏如左皇帝以建武十八年二月甲辰升輿洛邑巡於西嶽推天時順斗極排閭闔入函谷觀阨於崤澠圖險於隴蜀其三月丁酉行至長安經營宮室傷愍舊京即詔京兆迺命扶風齊肅致敬告觀園陵悽然有懷祖之思喟乎以思諸夏之隆遂天旋雲遊造舟於渭北旒涇流千乘方轂萬騎駢羅衍陳於岐梁東橫乎大河瘞后土



禮邠郊其歲四月反於洛都明年有詔復函谷關作大  
駕宮六王邸高車廢於長安修理東都城門橋涇渭往  
往繕離觀東臨灞滻西望昆門北登長平規龍首撫未  
央睽平樂儀建章是時山東翕然狐疑意聖朝之西都  
懼關門之反拒也客有為篤言彼陷井之潢汙固不容  
夫吞舟且洛邑之漚澹曷足以居乎萬衆哉咸陽守國  
利器不可久虛以示奸萌篤未甚然其言也故因為述  
大漢之崇世據雍州之利而今國家未暇之故以喻客

意曰

昔在強秦爰初開畔霸自岐雍國富人衍率以并兼桀  
虐作亂天命有聖託之大漢大漢開基高祖有勲斬白  
蛇屯黑雲聚五星於東井提干將而呵暴秦蹈滄海跨  
崑崙奮慧光埽項軍遂濟人難蕩滌於泗沂劉敬建策  
初都長安大宗承流守之以文躬履節儉側身行仁食  
不二味衣無異米賑人以農桑率下以約已曼麗之容  
不悅於目鄭衛之聲不過於耳佞邪之臣不列於朝巧

偽之物不驚於市故能理升平而刑幾措富衍於孝景  
功傳於後嗣是時孝武因其餘財府帑之畜始有鈞深  
圖遠之意探冒頓之罪校平城之讐遂命驃騎勤任衛  
青勇惟鷹揚軍如流星深之匈奴割裂王庭席卷漠北  
叩勒祁連橫分單于屠裂百蠻燒燬帳擊閼氏燔康居  
灰珍奇椎鳴鏑釘鹿蠡馳阬岸獲昆彌虜傲偃驅羸驢  
馭宛馬鞭馭駢拓地萬里威震八荒肇置四郡據守燉  
煌并域屬國一郡領方立候隅北建護西羌捶驅氐獫

寥狼叩作東擁烏桓蹂躪滅貊南羈鈞町水劍疆越殘  
夷文身海波沫血郡縣日南漂檠朱崖部尉東南兼有  
黃支連緩耳瑣雕題摧天督牽象犀椎蚌蛤碎琉璃甲  
瑇瑁戕觜鱗於是同穴裘褐之域共川鼻飲之國莫不  
袒跣稽顙失氣虜伏非夫大漢之盛世藉雍土之饒得  
御外理內之術孰能致功若斯故創業於高祖嗣傳於  
孝惠德隆於太宗財衍於孝景威盛於聖武政行於宣  
元侈極於成哀祚缺於孝平傳世十一厯載三百德衰

而復盈道微而復彰皆莫能遷於雍州而背於咸陽宮  
室寢廟山陵相望高顯弘麗可思可營義農以來無茲  
著明夫雍州本帝王所以育業霸王所以衍功戰士角  
難之場也禹貢所載厥田惟上沃野千里原隰彌望保  
殖五穀桑麻條暢濱據南山帶以涇渭號曰陸海蠡生  
萬類梗枏檀栢蔬果成實畎瀆潤淤水泉灌溉漸澤成  
川粳稻陶遂厥土之膏畝價一金田田相如鑄鑠株林  
火耕流種功淺得深既有蓄積阨塞四海西被隴蜀南

通漢中北據谷口東阻欽巖關函守峭山東道窮置列  
汧隴雍偃西戎拒守褒斜嶺南不通杜口絕津朔方無  
從鴻渭之流徑入於河大船萬艘轉漕相過東綜滄海  
西網流沙朔南暨聲諸夏是和城池百尺阨塞要害關  
梁之險多所襟帶一卒舉礪千夫沈滯一人奮戟三軍  
沮敗地勢便利介冑剽悍可與守近利以攻遠士卒易  
保人不肉袒肇十有二是為贍腴用霸則兼并先據則  
功殊修文則財衍行武則士要為政則化上篡逆則難

誅進攻則百剋退守則有餘斯固帝王之淵囿而守國  
之利器也逮及亡新時漢之衰偷忍淵囿篡器慢違徒  
以勢便莫能卒危假之十八誅自京師天畀更始不能  
引維慢藏招寇復致赤眉海內雲擾諸夏滅微羣龍並  
戰未知是非於時聖帝赫然申威荷天人之符兼不世  
之姿受命於皇上獲助於靈祇立號高邑舉旗四麾首  
策之臣運籌出奇號怒之旅如虎如螭師之攸向無不  
靡披蓋夫燔魚剝蛇莫之方斯大呼山東響動流沙要

龍淵首鎮鄧命騰太白親發狼弧西平隴冀東據洛都  
乃廓平帝寓濟蒸人於塗炭成兆庶之疊疊遂興復乎  
大漢今天下新定矢石之勤始瘳而主上方以邊陲為  
憂忿葭萌之不柔未遑於論都而遺思雍州也方躬勞  
聖思以率海內厲撫名將略定疆外信威於征伐展武  
乎荒裔若夫文身鼻飲緩耳之王椎結左衽鑿錫之君  
東南殊俗不羈之國西地絕域難制之隣靡不重譯納  
貢請為藩臣上猶謙讓而不伐勤意以為獲無用之虜



不如安有益之民略荒裔之地不如保殖五穀之淵遠  
救於已亡不若近而存存也今國家躬修道德叶惠含  
仁湛恩沾洽時風顯宣徒垂意於持平守實務在愛育  
元元苟有便於王政者聖主納焉何則物罔挹而不損  
道無隆而不移陽盛則運陰滿則虧故存不忘亡安不  
諱危雖有仁義猶設城池也客以利噐不可久虛而國  
家亦不忘乎西都何必去洛邑之潯潯與

蜀都賦

漢  
揚雄

蜀都之地古曰梁州禹治其江潯皋彌望鬱乎青蔥沃  
野十里上稽乾度則井絡儲精下案地紀則坤宮奠位  
東有巴實縣亘百濮銅梁金臺火井龍湫其中則有玉  
石簪岑丹青玲瓏叩節桃枝石鱗水螭南有犍牂潛夷  
昆明峨嵋絕限崕塘嵒巖亶翔靈山揭其右離堆被其  
東於近則有瑕英茵芝玉石江珠遠則有銀鉛錫碧馬  
犀象棘西有鹽泉鐵冶橋林銅陵邛連廬池澹漫波淪  
其旁則有期牛兕旄金馬碧雞北則有岷山外羗白馬

獸則麋羊野麋罷犖獐獠麋麋麋戶豹能黃獬胡雖  
獲猿蠅獲獾猶穀畢方爾乃蒼山隱天汾嶺迴叢增漸  
重萃岄石蟻崔投甌岬岬霜雪終夏叩巖岭嶙崇隆臨  
柴諸傲岬岬五岬參差湔山巖巖觀上岑崑龍陽累岬  
淮桀交倚崔岬岬集嶮脇施形精出偈堪嶠隱倚彭  
門岬岬岬岬岬岬岬岬岬岬岬岬岬岬岬岬岬岬岬岬  
崑崙泰極湧泉醴凝水流津漉集成川於是乎則左沉  
犁右羌庭漆水濤其凶都江漂其涇乃溢乎通溝洪濤

溶洗千湲萬谷合流逆折泌澗乎爭降湖漕排碣反波  
逆凘礫石冽巘紛蒨周溥旋溺冤綏頽慙博岸敵呷粹  
瀨磴巖揜汾汾忽溶闔沛踰窘出限連混陀隧銍釘鐘  
涌聲謹薄汙龍厯豐隆潛延延雷扶電擊鴻康濫遠遠  
乎長喻馳山下卒湍降疾流分川並注合乎江州於木  
則梗櫟豫章樹榜櫓櫂櫂青稚雕梓枌梧榱櫨櫨櫨  
木稷枿信楫叢俊幹湊集枇枋楬圮檣椅從風推參循  
崖撮棲湓淫溶縕紛幻靡汎閎野望芒芒菲菲其竹則

鍾龍茶篁野篠紛屯宗生族摺俊茂豐芙洪溶忿葦紛  
揚搔合柯與風披夾江緣山尋卒而起結根才業填衍  
迫野若此者方乎數十百里於汜則汪汪漾漾積土崇  
隄其淺濕則生蒼葭蔣蒲藿茅青蘋芊葉蓮藕茱華菱  
根其中則有翡翠鴛鴦裊鷓鴣雙鷺鷥鵲鷓鴣其深則有  
偏獺沈鰮水豹蛟蛇鼃黿鼉龜衆鱗鰯鰪爾乃其都門  
二九四百餘閭兩江珥其市九橋帶其流武儋鎮都刻  
削成斂王基既夷蜀侯尚叢邛籠石屨岍岑倚從秦漢

之徙元以山東是以隕山厥饒水貢其獲苴竹浮流龜  
磧竹石蜴相救魚酌不收鵞鵠鷦鷯風胎雨穀衆物駭  
目殫不知所禦爾乃其裸羅諸圃改緣畛黃甘諸柘柿  
桃杏李枇杷杜楸栗柰棠梨離支雜以槿橙被以櫻梅  
樹以木蘭扶林禽燭般闕旁支何若英絡其間春机楊  
柳裊弱蟬抄扶施連卷貍獭塘蜨子鷗呼焉爾乃五穀  
馮戎瓜匏饒多卉以部麻往往薑梔附子巨蒜木艾椒  
蘿蒟醬醪清衆獻諸斯盛冬育筍舊菜增加百花投春

隆隱芬芳蔓茗瑩郁翠紫青黃麗靡螭燭若揮錦布繡  
望芒子無幅爾乃其人自造奇錦統緼緼縵緣盧中  
發文揚采轉代無窮其布則細都弱折縣繭成衽阿麗  
纖靡避宴與陰蜘蛛作絲不可見風簫中黃潤一端數  
金彫鏤釳器百伎千工東西鱗集南北並奏馳逐相逢  
周流往來方轅齊轂隱軫幽輻埃敷塵拂萬端異類崇  
戎總濃般旋闌闌齊咭楚而喉不感槩萬物湊馳四時  
迭代彼不折貨我固之械財物饒贍蓄積備具若夫慈

孫孝子宗厥祖禰鬼神祭祀練時選日滙豫齋戒襲明  
衣表玄穀儷吉日異清濁合踈明綏離旅乃使有伊之  
徒調夫五味甘甜之和勺藥之美江東鮑鮑隴西牛羊  
糴米肥脂麝麝不行鴻狹獐乳獨竹孤鷓炮鷓被紕之  
胎山麝膺腦水游之腴蜂豚應鴈被鷓晨鳧戮鷓初乳  
山鶴既交春羔秋鰣膾鮫龜肴杭田膳驚形不及勞五  
肉七菜滕厭腥臊可以練神養血睡者莫不畢陳爾乃  
其俗迎春送臘百金之家千金之公乾池泄澳觀魚於



江若其吉日嘉會期於送春之陰迎夏之陽侯羅司馬  
郭范鼎楊置酒乎榮川之間宅設坐乎華都之高堂延  
帷揚幕接帳連岡衆器雕琢藻刻將星朱綠之畫邠盼  
麗光龍蛇蜿蜒錯其中禽獸奇偉髦山林昔天地降生  
杜鄩密促之君則荆上亡尸之相厥女作歌是以其聲  
呼吟靖領激呦喝啾戶音六成行夏低徊胥徒入冥及  
廟嚙吟請連單情舞曲轉節跼馭應聲其佚則接芬錯  
芳檐粘纖延躑淒秋發陽春羅儒吟吳公連眺朱顏離

絳脣眇眇之態吡噉出焉若其遊怠魚弋卻公之徒相  
與如平陽頗巨沼羅車百乘期會投宿觀者方隄行船  
競逐偃衍檣曳絺索恍惚羅畏瀾澥蔓蔓沕龍睢睢  
兮罽布列枚孤施兮纖繁出驚雌落兮高雄麀翔雖挂  
兮奔縈畢俎飛膾沈單然後別

三都賦

有序

晉左思

蓋詩有六義焉其二曰賦揚雄曰詩人之賦麗以則班  
固曰賦者古詩之流也先王采焉以觀土風見綠竹猗

猗則知衛地淇澳之產見在其版屋則知秦野西戎之  
宅故能居然而辨八方然相如賦上林而引盧橘夏熟  
揚雄賦甘泉而陳玉樹青蔥班固賦西都而歎以出比  
目張衡賦西京而述以游海若假稱珍怪以為潤色若  
斯之類匪啻於茲考之果木則生非其壤校之神物則  
出非其所於辭則易為藻飾於義則虛而無徵且夫玉  
卮無當雖寶非用侈言無驗雖麗非經而論者莫不詆  
訐其研精作者大氏舉為憲章積習生常有自來矣余

既思摹二京而賦三都其山川城邑則稽之地圖鳥獸草木則驗之方志風謠歌舞各附其俗魁梧長者莫非其舊何則發言為詩者詠其所志也升高能賦者頌其所見也美物者貴依其本讚事者宜本其實匪本匪實覽者奚信且夫任土作貢虞書所著辨物居方周易所慎聊舉其一隅攝其體統歸諸詰訓焉

有西蜀公子者言於東吳王孫曰蓋聞天以日月為綱地以四海為紀九土星分萬國錯峙崑崙有帝皇之宅

河洛為王者之里吾子豈亦曾聞蜀都之事歟請為左  
右揚摧而陳之夫蜀都者蓋兆基於上世開國於中古  
廓靈闕以為門包玉壘而為宇帶二江之雙流抗峨眉  
之重阻水陸所湊兼六合而交會焉豐蔚所盛茂八區  
而菴藹焉於前則跨躡犍牂枕輶交趾經途所亘五千  
餘里山阜相屬含谿懷谷岡巒糾紛觸石吐雲鬱益益  
以翠微崖巍巍以峨峨干青霄而秀出舒丹氣以為霞  
龍池瀉瀑瀆其隈漏江伏流瀆其阿汨若湯谷之揚濤

沛若濛汜之涌波於是乎叩竹綠嶺茵桂臨崖旁挺龍  
目側生荔枝布綠葉之萋萋結朱實之離離迎隆冬而  
不凋常曄曄以猗猗孔翠羣翔犀象競馳白雉朝雛猩  
猩夜啼金馬騁光而絕景碧雞儵忽而曜儀火井沈熒  
於幽泉高燭飛煽於天垂其間則有琥珀丹青江珠瑕  
英金沙銀鏐符采彪炳暉麗灼爍於後則却背華容北  
指崑崙綠以劒閣阻以石門流漢湯湯驚浪雷奔望之  
天迴即之雲昏水物殊品鱗介異族或藏蛟螭或隱碧

玉嘉魚出於丙穴良木攢於褒谷其樹則有木蘭檉桂  
杞櫛椅桐梭枌楔樅榎栴幽藹於谷底松柏蓊鬱於山  
峯擢修幹竦長條扇飛雲拂輕霄羲和假道於峻岐陽  
烏迴翼乎高標巢居棲翔聿兼鄧林穴宅竒獸窠宿異  
禽熊羆咆其陽鵬鸚鳴其陰猿狖騰希而競捷虎豹長  
嘯而永吟於東則左縣巴中百濮所充外負銅梁於宕  
渠內函要害於膏腴其中則有巴菽巴戟靈壽桃枝樊  
以菰圃濱以鹽池蠍蜴山棲龜龜水處潛龍蟠於沮澤

應鳴鼓而興雨丹沙艷熾出其坡蜜房郁毓被其阜山  
圖采而得道赤斧服而不朽若乃剛悍生其方風謠尚  
其武奮之則賓旅玩之則歛舞銳氣剽於中葉踰容出  
於樂府於西則右挾岷山湧瀆發川陪以白狼夷歌成  
章垌野草昧林麓黝靄交讓所植蹲鴟所伏百藥灌叢  
寒卉冬馥異類衆夥於何不育其中則有青珠黃環碧  
砗芒消或豐綠萸或蕃丹椒蘼蕪布濩於中阿風連延  
蔓於蘭皋紅葩紫飾柯葉漸苞敷蕊蕤落英飄颻神



農是嘗盧跗是料芳追氣邪味蠲癘疢其封域之內則  
有原隰墳衍通望彌博演以潛沫浸以縣洛溝洫脈散  
疆里綺錯黍稷油油稷稻莫莫指渠口以為雲門灑漈  
池而為陸澤雖星畢之滂沱尚未齊其膏液爾乃邑居  
隱眠夾江傍山棟宇相望桑梓接連家有鹽泉之井戶  
有橘柚之園其園則有林檎枇杷橙柿棣棣桃函列  
梅李羅生百果甲宅異色同榮朱櫻春熟素柰夏成若  
乃大火流涼風厲白露凝微霜結紫梨津潤楸栗罇發

蒲桃亂潰石榴競裂甘自至零芬芳酷烈其圃則有蒟  
蒻茱萸瓜疇芋區甘蔗辛薑陽蒞陰敷日往菲微月來  
扶疎任土所麗衆猷而儲其沃瀛則有攢蔣叢蒲綠菱  
紅蓮雜以蒹藻粦以蘋蘩總莖柅柅裒葉蓁蓁蕢實時  
味王公差羞焉其中則有鴻儔鵠侶鷺鷥鵙鵙晨鳧旦至  
候鴈銜蘆木落南翔冰泮北徂雲飛水宿哢吭清渠其  
深則有白黿命鼈玄獺上祭鱸鮓鮓鮓鯉鯉鱸差鱗  
次色錦質報章躍濤戲瀨中流相忘於是乎金城石郭

兼市中區既麗且崇實號成都關二九之通門畫方軌  
之廣塗營新宮於爽塏擬承明而起廬結陽城之延閣  
飛觀榭乎雲中開高軒以臨山列綺窻而瞰江內則議  
殿爵堂武義虎威宣化之闥崇禮之闈華闕雙邈重門  
洞開金鋪交映玉題相暉外則軌躅八達里閭對出比  
屋連甍千廡萬室亦有甲第當衢向術壇宇顯敞高門  
納駟庭扣鐘磬堂撫琴瑟匪葛匪姜疇能是恤亞以少  
城接乎其西市鄧所會萬商之淵列隧百重羅肆巨千

賄貨山積纖麗星繁都人士女袷服靚粧賈貿帶鬻舛  
錯縱橫異物詭譎竒於八方布有撞華麪有梳榔叩杖  
傳節於大夏之邑蒟醬流味於番禺之鄉輿輦雜沓冠  
帶混并累轂疊跡叛衍相傾誼譁鼎沸則吮聒宇宙囂  
塵張天則埃壘曜靈闐闐之裏伎巧之家百室離房機  
杼相和貝錦斐成濯色江波黃潤比筭贏金所過侈侈  
隆富卓鄭埒名公擅山川貨殖私庭藏錕鉞巨萬鉅規兼  
呈亦以財雄翕習邊城三蜀之豪時來時往養交都邑

結儔附黨劇談戲論扼腕抵掌出則連騎歸從百兩若  
其舊俗終冬始春吉日良辰置酒高堂以御嘉賓金壘  
中坐肴核四陳觴以清醕鮮以紫鱗羽爵既競絲竹乃  
發巴姬彈絃漢女擊節起西音於促柱歌江上之飄厲  
紆長袖而屢舞翩躚躚以裔裔合樽促席引滿相罰樂  
飲今夕一醉累月若夫王孫之屬邵公之倫從禽於外  
巷無居人並乘驥子俱服魚文玄黃異校結駟續紛西  
踰金隄東越玉津朔別晦期匪日匪旬楚蹈蒙籠涉獵

寥廓鷹犬儵睎罽羅絡幕毛羣陸離羽族紛泊翕響揮  
霍中網林薄屠廩廩剪旄塵帶文蛇跨彫虎志未騁時  
欲晚追輕翼赴絕遠出彭門之關馳九折之坂經三峽  
之崢嶸躡五岫之蹇嶮戟食鐵之獸射噬毒之鹿拍羆  
氓於蔓草彈言鳥於森木拔象齒戾犀角鳥鍛翮獸廢  
足殆而竭來相與第如滇池集乎江洲試水客艤輕舟  
娉江妃與神游罨翡翠釣鯉鮪下高鵠出潛虬吹洞簫  
發擢謳感鱣魚動陽侯騰波沸涌珠貝沈浮若雲漢含

星而光耀洪流將饗獠者張帟幕會平原酌清醕割芳  
鮮飲御酣賓旅旋車馬雷駭轟轟聞聞若風流雨散漫  
乎數百里之間斯蓋宅土之所安樂觀聽之所踊躍也  
焉獨三川為世朝市若乃卓犖奇譎倜儻罔已一經神  
怪一緯人理遠則岷山之精上為井絡天帝運期而會  
昌景福矜蠻而興作碧出長弘之血鳥生杜宇之魄妄  
變化而非常嗟見偉於疇昔近則江漢炳靈世載其英  
蔚若相如皜若君平王褒暉暉而秀發揚雄含章而挺

生幽思絢道德摛藻揆天庭考四海而為雋當中葉而  
擅名是故游談者以為美造作者以為程也至乎臨谷  
為塞因山為障峻岨塍埒長城豁險吞若巨防一人守  
隘萬夫莫向公孫躍馬而稱帝劉宗下輦而自王由此  
言之天下孰尚故雖兼諸夏之富有猶未若茲都之無  
量也

右賦蜀都

東吳王孫蹶然而咤曰夫上圖景宿辨於天文者也下



料物土析於地理者也古先帝世曾覽八紘之洪緒一  
六合而光宅翔集遐宇烏策篆素玉牒石記烏聞梁岷  
有陟方之館行宮之基歟而吾子言蜀都之富禺同之  
有偉其區域美其林藪矜巴漢之阻則以為襲險之右  
徇蹲鴟之沃則以為世濟陽九齷齪而算固亦曲士之  
所歎也旁魄而論都邑抑非大人之所壯觀也何則土  
壤不足以攝生山川不足以周衛公孫國之而破諸葛  
家之而滅茲乃喪亂之邱墟顛覆之軌轍安可以儼王

公而著風烈也翫其磧礫而不窺玉淵者未知驪龍之所蟠也習其敝邑而不覩上邦者未知英雄之所躔也子獨未聞大吳之巨麗乎且有吳之開國也造自泰伯宣於延陵蓋端委之所彰高節之所興建至德以創洪業世無得而顯稱由克讓以立風俗輕脫躡於千乘若率土而論都則非列國之所觖望也故其經畧上當星紀拓土畫疆卓犖兼并包括於越跨躡蠻荆婺女寄其曜翼軫寓其精指衡嶽以鎮野目龍川而帶垌爾其山

澤則鬼嶷嶢岵嶸溟鬱弗潰汙泮汗漬洒霖漫或涌川  
而開瀆或吞江而納漢硨磲硨磲澎湃汧汧礧礧乎數  
州之間灌注乎天下之半百川派別歸海而會控清引  
濁混濤并瀨瀆薄沸騰寂寥長邁淟焉洶洶隱焉礧礧  
出乎大荒之中行乎東極之外經扶桑之中林包暘谷  
之滂沛潮波汨起迴復萬里歔霧逢淖雲蒸昏昧泓澄  
齋濤頤溶沆瀣莫測其深莫究其廣澶涸漠而無涯總  
有流而為長瓌異之所叢育鱗甲之所集往於是乎長

鯨吞航脩鯢吐浪躍龍騰蛇蛟鯢琵琶王鮪鯢鮐鯢  
鰭鰭烏賊擁劍龜鼉鯖鰐涵泳乎其中葺鱗鏤甲詭類  
舛錯汴汨順流噲喁沈浮鳥則鷗鷺鷦鷯鷯鷯鷯鷯  
鷗避風候鴈造江鴻鴈鷗鷺鷺鷺鷺鷺鷺鷺鷺鷺鷺  
乎其湛淡羽儀隨波參差理翮整翰容與自玩彫琢  
蔓藻刷盪漪瀾魚鳥聳取萬物蠢生芒芒默默慌罔奄  
歟神化翕忽幽育明窮性極形盈虛自然蚌蛤珠胎  
與月虧全巨鼇鼉負首冠靈山大鵬繽翻翼若垂天振

盪汪流雷抃重淵殷動宇宙胡可勝原島嶼縣邈洲渚  
憑隆曠瞻迢遞迴眺冥蒙珍怪麗竒隙充徑路絕風雲  
通洪桃屈盤丹桂灌叢瓊枝抗莖而敷蕊珊瑚幽茂而  
玲瓏增岡重阻列真之宇玉堂對雷石室相距藹藹翠  
幄嫋嫋素女江妃於是往來海童於是宴語斯實神妙  
之響象嗟難得而覩縷爾乃地勢坱圠卉木馭蔓遭藪  
為圃值林為苑異荇蔞蔞夏暉冬蒨方志所辨中州所  
羨草則藿藟荳蔻薑彙非一江離之屬海苔之類綸組

紫絳食葛香茅石帆水松東風扶留布護皋澤蟬聯陵  
邱黃緣山嶽之岳暴歷江海之流杙白蒂銜朱蕤鬱兮  
菴茂曄兮菲菲光色炫晃芬馥肸蠃職貢納其包匭離  
騷詠其宿莽木則楓桺豫章枿櫨枸榔緜杭杔櫨文櫨  
楨樞平仲君遷松梓古度楠榴之木相思之樹宗生高  
岡族茂幽阜擢本千尋垂蔭萬畝攢柯挈莖重葩映葉  
輪囷虬蟠埴塹鱗接縹色雜糅綢繆縻繡宵露霑霽旭  
日晦時與風颺颺颺颺颺颺鳴條律暢飛音響亮益象

琴筑并奏笙竽俱唱其上則有猿父哀吟獬子長嘯伏  
鰐獍然騰飛超爭接縣垂競遊遠枝驚透沸亂牢落  
輦散其下則有梟羊麋狼猥獢象於菟之族羣兕之  
黨鉤爪鋸牙自成鋒穎睛若曜星聲若雷霆名載於山  
經形鏤於夏鼎其竹則簣簴林於桂箭射筒柚梧有篁  
簟勞有叢苞筍抽節往往縈結綠葉翠莖冒霜停雪櫛  
蠹森萃蒻茸蕭瑟檀藥嬋娟玉潤碧鮮梢雲無以踰懈  
谷弗能連驚鷺食其實鵠雛擾其間其果則丹橘餘甘

荔枝之林檎榔無柯柳葉無蔭龍眼橄欖棕榴禦霜結  
根比景之陰列挺衡山之陽素花斐丹秀芳臨青壁係  
紫房鷓鴣南翥而中留孔雀絳羽以翱翔山雞歸飛而  
來棲翡翠列巢以重行其琛賾則琨瑤之阜銅錯之垠  
火齊之寶駭雞之珍頰丹明璣金華銀樸紫貝流黃縹  
碧素玉隱脈歲褭雜插幽屏精曜潛穎碧陟山谷礪岸  
為之不枯林木為之潤黷隋侯於是鄙其夜光宋玉於  
是陋其結綠其荒陬謫詭則有龍穴內蒸雲雨所儲陵



鯉若獸浮石若桴雙則比目片則王餘窮陸飲木極沈  
水居泉室潛織而卷綃淵客忼慨而泣珠開北戶以向  
日齊南冥於幽都其四野則畛畷無數膏腴兼倍原隰  
殊品穴隆異等象耕鳥耘此之自與穡秀菰穗於是乎  
在煮海為鹽採山鑄錢國稅再熟之稻鄉貢八蠶之絲  
徒觀其郊隧之內奧都邑之綱紀霜王之所根柢開國  
之所基址郭郭周匝重城結隅通門二八水道陸衢所  
以經始用累千祀也憲紫宮以營室廓廣庭之漫漫寒

暑隔闕於邃宇虹蜺迴帶於雲館所以跨時炳煥萬里也造姑蘇之高臺臨四遠而特建帶朝夕之濬池佩長洲之茂苑窺東山之府則瓊寶溢目觀海陵之倉則紅粟流行起寢廟於武昌作離宮於建業闔閭之所營采夫差之遺法抗神龍之華殿施榮楯而捷獵崇臨海之崔嵬飾赤烏之暉暉東西膠葛南北崢嶸房櫳對橫連閣相經闔閭譎詭異出奇名左稱彎崎右號臨砥雕樂鏤染青瑣丹楹圖以雲氣畫以仙靈雖茲宅之夸麗

曾未足以少寧思比屋於傾宮畢結瑤而構瓊高闈有  
閑洞門方軌朱闕雙立馳道如砥樹以青槐亘以淥水  
玄蔭眈眈清流疊疊列寺七里夾棟陽路屯營擲比廡  
署幕布橫塘查下邑屋隆夸長干延屬飛甍舛互其居  
則有高門鼎貴魁岸豪傑虞魏之昆顧陸之裔岐嶷繼  
體老成奕世躍馬疊跡朱輪累轍陳兵而歸蘭錡內設  
冠蓋雲蔭閭閻噓其鄰則有任俠之靡輕詵之客締  
交翩翩儉從奕奕出躡朱履動以千百里讌巷飲飛觴

舉白翹闕扛鼎抃射壺博鄱陽暴謔中酒而作於是樂  
只衍而歡飫無匱都輦殷而四奧來暨水浮陸行方舟  
結駟唱棹轉轂昧旦永日開市朝而普納橫闌闐而流  
溢混品物而同塵并都鄙而為一士女佇眙工賈駢坐  
紵衣絺服雜沓從萃輕輿按轡以經隧樓船舉颿而過  
肆果布輻湊而常然致遠流離與珂珮縹緲賄紛紜器用  
萬端金鎰磊砢珠琲闌干桃笙象簟韜於筒中蕉葛升  
越弱於羅紈澀嘉樂膠交貿相競誼譁呶芬葩蔭映

揮袖風飄而紅塵晝昏流汗霰霖而中達泥濘富中之  
氓貨殖之選乘時射利財豐巨萬競其區宇則并疆兼  
巷矜其宴居則珠服玉饌趨材悍壯此焉比廬捷若慶  
忌勇若專諸危冠而出竦劒而趨扈帶鮫函扶掖屬鏤  
藏鉞於人去戲自閭家有鶴膝戶有犀渠軍容蓄用器  
械兼儲吳鉤越棘純鉤湛盧戎車盈於石城戈船掩於  
江湖露往霜來日月其除草木節解鳥獸脂膚觀鷹隼  
誠征夫坐組甲建祀姑命官師而擁鐸將校獵乎具區

烏澣狼脰夫南西屠脩耳黑齒之首金鄰象郡之渠驪  
駢羸商鞅雪驚捷先驅前途俞騎騁路指南司方出車  
輦輦被練鏘鏘吳王乃巾玉輅輶驕驕旗魚須常重光  
攝烏號佩干將羽毛揚蕤雄戟耀鉉貝冑象弭織文鳥  
章六軍衮服四騏龍驤峭格周施置爵普張單單瑱結  
毳蹠連網陸以九疑禦以沅湘輶軒蓼擾殷騎煒煌袒  
裼徒搏扳距投石之部援臂駢脅狂趨獷狻鷹瞵鶚視  
參譚朶朶若離若合者相與騰躍乎莽眈之野干鹵戛

鉦暘夷勃盧之旅長殺短兵直髮馳騁僊佻全並銜枚  
無聲悠悠旆旌者相與聊浪乎昧莫之垌鉦鼓疊山火  
烈燁林飛燭浮煙載霞載陰拉攏雷礮崩巖陁岑鳥不  
擇木獸不擇音暴虺虺頡頏麋麋薦六駭追飛生彈鸞鵠  
射獠挺白雉落黑鳩零陵絕嶢嶢聿越巉嶮跼踰竹柏  
獠獠杞枿封狝虺神螭掩剛鏃潤霜刃染於是弭節頓  
轡齊鑣駐蹕徘徊倘佯寓目幽蔚覽將帥之拳勇與士  
卒之抑揚羽族以觜距為刀鉞毛羣以齒角為矛鉞皆

體著而應卒所以挂鉤而為創痛衝蹙而斷筋骨莫不  
劬銳挫鉉拉捩摧藏雖有石林之岑崿請攘臂而靡之  
雖有雄虺之九首將抗足以趾之顛覆巢居剖破窟宅  
仰攀鵷鷖俯蹴豺獍劫剗熊羆之室剽掠虎豹之落猩  
猩啼而就擒嚙嚙笑而被格屠巴虵出象骼斬鵬翼掩  
廣澤輕禽狡獸周章夷猶狼跋乎紵中忘其所以睽睨  
失其所以去就覓褫氣懾而自跼蹐者應弦而飲羽形  
債景僵者累積而增益雜襲錯繆傾藪薄倒岬岫巖穴



無玃從翳蒼無鷹鷂思假道於豐隆披重霄而高狩籠  
烏兔於日月窮飛走之棲宿嶰澗閭岡岵童冒吳滿效  
獲衆迴靶乎行睨觀漁乎三江汎舟航於彭蠡渾萬艘  
而既同弘舸連舳巨艦接艦飛雲蓋海制非常模疊華  
樓而島峙時髣髴於方壺比鷁首之有裕邁餘艚於往  
初張組帷構流蘇開軒幌鏡水區篳工楫師選自閩禺  
習御長風狎翫靈胥責千里於寸陰聊先期而須臾權  
謳唱簫籟鳴洪流響渚禽驚弋磻放稽鴈鵬虞機發留

鵠鵠鈎餌縱橫網罟接緒術兼詹公巧傾任父筌鮪鰭  
鱣鱣藻罩兩舠鼻鰓鰓乘鱉鼃鼃同眾共羅沈虎潛鹿  
帶龍倨束徽鯨輩中於羣牴櫓槍暴出而相屬雖復臨  
河而釣鯉無異射鮒於井谷結輕舟而競逐迎潮水而  
振緡想萍實之復形訪靈夔於鮫人精衛銜石而遇繳  
文鯉夜飛而觸綸北山亡其翔翼西海失其游鱗雕題  
之士鏤身之卒比飾虬龍蛟螭與對簡其華質則虢費  
錦績料其虓勇則鵬悍狼戾相與昧潛險搜瓌竒摸璫

瑁捫背螭剖巨蚌於回淵濯明月於漣漪畢天下之至  
異訖無索而不臻谿壑為之一聲川瀆為之中貧哂澹  
臺之見謀聊襲海而徇珍載漢女於後舟追晉賈而同  
塵汨乘流以砰宕翼颼風之颼颼直衝濤而上瀨常沛  
沛以悠悠汜可休而凱歸揖天吳與陽侯指包山而為  
期集洞庭而淹留數軍實乎桂林之苑饗戎旅乎落星  
之樓置酒若淮泗積肴若山邱飛輕軒而酌綠醕方雙  
轡而賦珍羞飲烽起醵鼓震士遺倦衆懷忻幸乎館娃

之宮張女樂而娛羣臣羅金石與絲竹若鈞天之下陳  
登東歌操南音脣陽阿詠棘任荆豔楚舞吳歆越吟翕  
習容裔靡靡愔愔若此者與夫唱和之隆響動鐘磬之  
鏗鉦有殷坻頽於前曲度難勝皆與謠俗叶協律呂相  
應其奏樂也則木石潤色其吐哀也則淒風暴興或超  
延露而駕辯或踰淶水而採菱軍馬弭髦而仰秣淵魚  
竦鱗而上升酣滑半八音并歡情留良辰征魯陽揮戈  
而高麾迴曜靈於太清將轉西日而再中齊既往之精

誠昔者夏后氏朝羣臣於茲土而執玉帛者以萬國蓋亦先王之所高會而四方之所軌則春秋之際要盟之主闔閭申其威夫差窮其武內果伍員之謀外騁孫子之奇勝彊楚於柏舉棲勁越於會稽闕溝於商魯爭長於黃池徒以江湖嶮陂物產殷充繞雷未足言其固鄭白未足語其豐士有陷堅之銳俗有節概之風睚眦則挺劍喑鳴則彎弓擁之者龍騰據之者虎視麾城若振槁搴旗若顧指雖帶甲一朝而元功遠致雖累葉百疊

而富彊相繼樂滑衍其方域列仙集其土地桂父練形  
而易色赤湏蟬蛻而附麗中夏比焉畢世罕見丹青圖  
其象珍瑋貴其寶利也舜禹游焉沒齒而忘歸精靈留  
其山阿玩其奇麗剖判庶士商推萬俗國有鬱鞅而顯  
敞邦有湫阨而蹉跎伊茲都之函弘傾神州而韞積仰  
南斗以斟酌兼二儀之優渥由此而揆之西蜀之於東  
吳小大之相絕也亦猶棘林螢燿而與夫尋木龍燭也  
否泰之相背也亦猶帝之懸解而與夫桎梏疏屬也庸

可共世而論巨細同年而議豐确乎暨其幽遐獨遠寥廓閑與耳目之所不該足趾之所不蹈倜儻之極異崑詭之殊事藏埋於終古而未寤於前覺也若吾子之所傳孟浪之遺言畧舉其梗概而未得其要妙也

右賦吳都

魏國先生有睥其容乃盱衡而誥曰异乎交益之士蓋音有楚夏者土風之乖也情有險易者習俗之殊也雖則生常固非自得之謂也昔市南宜僚弄丸而兩家之

難解聊為吾子復玩德音以釋二客競於辯囿也夫太極剖判造化權輿體兼晝夜理包清濁流而為江海結而為山嶽列宿分其野荒裔帶其隅巖罔潭淵限蠻隔夷峻危之竅也蠻陬夷落譯導而通者鳥獸之氓也正位居體者以中夏為喉舌不以邊陲為襟帶也長世字甿者以道德為藩不以襲險為屏也而子大夫之賢尚弗曾庶翼等威附麗皇極思稟正朔樂率貢職而徒務於詭隨匪民宴安於絕域榮其文身驕其險棘繆默語



之常倫牽膠言而踰侈飾華離以矜然假屈彊而攘臂  
非醇粹之方壯謀蹻駁於王義孰愈尋靡蒔於中達造  
沐猴於棘刺劒閣雖嶮憑之者蹶非所以深根固蒂也  
洞庭雖濬負之者北非所以愛人治國也彼桑榆之末  
光踰長庚之初暉况河冀之夾塏與江介之湫湄故將  
語予以神州之略赤縣之畿魏都之卓犖六合之樞機  
於時運距陽九漢網絕維奸回內勦兵纏紫微翼翼京  
室耽耽帝宇巢焚原燎變為煨燼故荊棘旅庭殷殷寰

內繩繩八區鋒鏑縱橫化為戰場故廩鹿寓城也伊洛  
榛曠嶠函荒蕪臨菑牢落鄆邱丘墟而是有魏開國之  
日締構之初萬邑譬焉亦猶隼麋之與子都培塿之與  
方壺也且魏土者畢昴之所應虞夏之餘人先王之桑  
梓列聖之遺塵考之四隈則八埏之中測之寒暑則霜  
露所均卜偃前識而賞其隆吳札聽歌而美其風雖則  
衰代而盛德形於管絃雖踰千祀而懷舊蘊於遐年爾  
其疆域則旁極齊秦結湊冀道開胷殷衛跨躡燕趙山

林幽峽川澤迴繚恒碣礧礧於青霄河汾浩沔而皓漾  
南瞻淇澳則綠竹純茂北臨漳滏則冬夏異沼神鉦迨  
遞於高巒靈響時驚於四表溫泉毖涌而自浪華清蕩  
邪而難老墨井鹽池玄滋素液厥田惟中厥壤惟白原  
隰昀昀墳衍斤斤或嵬壘而複陸或魍朗而拓落乾坤  
交泰而烟煴嘉祥徽顯而豫作是以兆朕振古萌疇  
昔藏氣識緯閎象竹帛迴時世而淵默應期運而光赫  
暨聖武之龍飛肇受命而光宅爰初自臻言占其良謀

龜謀筮亦既允臧修其郭郭繕其城隍經始之制牢籠  
百王畫雍豫之居寫八都之宇鑒茅茨於陶唐察卑宮  
於夏禹古公草創而高門有閤宣王中興而築室百堵  
兼聖哲之軌并文質之狀商豐約而折中準當年而為  
量思重爰摹大壯覽荀卿采蕭相偃拱木於林衡授全  
模於梓匠遐邇悅豫而子來工徒擬議而騁巧闡鉤繩  
之筌緒承二分之正要揆日晷考星曜建社稷作清廟  
築曾宮以廻匝比岡隰而無陂造文昌之廣殿極棟宇

之弘規對若崇山崖起而崔嵬髭若玄雲舒蜺以高垂  
瓌材巨世插塹參差粉櫺複結欒櫺豐施丹梁虹申以  
並亘朱桷森布而支離綺井列疏以懸蒂華蓮重葩而  
倒披齊龍首而涌雷時梗繫於漉池旅楹間列暉鑒挾  
振棖題黠黠階陌嶙峋長庭砥平鐘虞夾陳風無纖埃  
雨無微津巖巖北闕南端攸遵竦峭雙碣方駕比輪西  
闕延秋東啓長春用覲羣后觀享頤賓左則中朝有赭  
聽政作寢匪撲匪斲去泰去甚木無雕鏤土無締錦玄

化所甄國風所稟於前則宣明顯揚順德崇禮重闡洞  
出鏘鏘濟濟珍樹猗猗奇卉萋萋蕙風如薰甘露如醴  
禁臺省中連闥對廊直事所繇典刑所藏藹藹列侍金  
蜩齊光詰朝陪幄納言有章亞以柱後執法內侍符節  
謁者典璽諸吏膳夫有官藥劑有司肴醑順時賡理則  
治於後則椒鶴文石永巷壺術楸梓木蘭次舍甲乙西  
南其戶成之匪日丹青炳煥特有溫室儀刑宇宙歷象  
賢聖圖以百瑞絺以藻詠茫茫終古此焉則鏡有虞作

績茲亦等競右則疏圓曲池下畹高堂蘭渚莓莓石瀨  
湯湯弱蔓係實輕葉振芳奔龜躍魚有睳呂梁馳道周  
屈於果下延閣肩宇以經營飛陞方輦而徑西三臺列  
峙而崢嶸亢陽高於陰基擬華山之削成上象棟而重  
雷下水室而沍冥周軒中天丹墀臨茲增構我我清塵  
影影雲雀跼蹐而矯首壯翼摛鏤於青霄雷雨窈冥而  
未半皦日籠光於綺寮習步頓以升降御春脈而逍遙  
八極可圍於寸眸萬物可齊於一朝長塗牟首豪傑互

經畧漏肅唱明宵有程附以蘭綺宿以禁兵司衛閑邪  
鉤陳罔驚於是崇墉濬洫嬰堞帶涘四門轍轍隆厦重  
起憑太清以混成越埃壘而資始邈邈標危亭亭峻峙  
臨焦原而弗悅誰勁捷而無猷與岡岑而永固非有期  
乎世祀陽靈停曜於其表陰祗濛霧於其裏苑以玄武  
陪以幽林繚垣開圉觀宇相臨碩果灌叢圍木竦尋篁  
篠懷風蒲桃結陰回淵淮積水深蒹葭贊藿弱森丹藕  
凌波而的皪綠芰泛濤而浸潭羽翮頡頏鱗介浮沉栖



者擇木雖者擇音若咆渤澥與姑餘常鳴鶴而在陰表  
清籟勒虞箴思國邱忘從禽樵蘇往而無忌即鹿縱而  
匪禁腴腴垌野奕奕菑畝甘荼伊蠹芒種斯阜西門溉  
其前史起灌其後塏流十二同源異口蓄為屯雲泄為  
行雨水澍稷稊陸時稷黍黝黝桑柘油麻紵均田畫  
疇蕃廬錯列薑芋充茂桃李蔭翳家安其所而服美自  
悅邑屋相望而隔踰奕世內則街衢輻湊朱闕結隅石  
杠飛梁出控漳渠疏通溝以濱路羅青槐以蔭塗比滄

浪而可濯方步櫚而有踰習習冠蓋莘莘烝徒斑白不提行旅讓衢設官分職營處署居夾之以府寺班之以里閭其府寺則位副三事官踰六卿奉常之號大理之名厦屋一揆華屏齊榮肅肅階闕重門再扃師尹爰止眎世作楨其閭閻則長壽吉陽永平思忠亦有戚里寘宮之東閑出長者巷包諸公都護之堂殿居綺窻輿騎朝猥蹠敝其中營客館以周坊飾賓侶之所集瑋豐樓之閑闕起建安而首立葺牆幕室房廡雜襲剗剗罔輟

匠斲積習廣成之傳無以儔橐街之邸不能及廊三市  
而開廛籍平達而九達班列肆以蕪羅設闌闔以襟帶  
濟有無之常偏距日中而畢會抗旗亭之堯舜侈所眺  
之博大百隧轂擊連軫萬貫憑軾捶馬袖幕紛半一八  
方而混同極風采之異觀質劑平而交易刀布貿而無  
算材以工化賄以商通難得之貨此則不容器周用而  
長務物背窳而就攻不鬻邪而豫賈著馴風之醇醲白  
藏之藏富有無隄同賑大內控引世資寶帙積滯琛幣

充物關石之所和均財賦之所底慎燕弧盈庫而委勁  
冀馬填廐而駟駿至乎勅敵糾紛庶土罔寧聖武興言  
將曜威靈介冑重襲旌旗躍莖弓珣解繁矛鋌飄英三  
屬之甲縵胡之纓控弦簡發妙擬更羸齊被練而銛戈  
襲偏裒以譖列畢出征而中律執奇正以四伐碩畫精  
通目無匪制推鋒積紀銳氣彌銳三接三捷既晝亦月  
剋翦方命吞滅咆哮雲撤叛換席卷虔劉侵威八紘荒  
阻率由洗兵海島刷馬江洲振旅輶輶反旆悠悠凱歸

同飲疏爵普疇朝無利印國無費留喪亂既弭而能宴  
武人歸獸而去戰蕭斧戢柯以柙刃虹旌攝麾以就卷  
斟洪範酌典憲觀所恒通其變上垂拱而司契下緣督  
而自勸道來斯貴利往則賤圉圉寂寥京庾流行於是  
東鯁即序西傾順軌荆南懷憶朔北思韙綿綿迴塗驛  
山驛水驛負責贄重譯貢筐髻首之豪鐸耳之傑服其  
荒服斂衽魏闕置酒文昌高張宿設其夜未遽庭燎晰  
晰有客祁祁載華載裔岌岌冠緹纍纍辨髮清酤如濟

濁醪如河凍醴流澌溫酎躍波豐肴衍衍行庖皤皤惜  
惜醞讌酣滑無譁延廣樂奏九成冠韶夏冒六英五莖  
僧響起疑雷霆天宇駭地廬驚億若大帝之所興作二  
羸之所曾聆金石絲竹之恒韻匏土草木之常調干戚  
羽旄之飾好清謳微吟之要妙世業之所日用耳目之  
所聞覺雜糅紛錯兼該泛博鞮鞻所掌之音韎昧任禁  
之曲以娛四夷之君以睦八荒之俗既苗既狩爰遊爰  
豫藉田以禮動大閱以義舉備法駕理秋御顯文武之

壯觀邁梁騶之所著林不槎枿澤不伐天斧斨以時畱  
網以道德連木理仁挺芝草皓獸為之育數丹魚為之  
生沼喬雲翔龍澤馬于阜山圖其石川形其寶莫黑匪  
烏三趾而來儀莫赤匪狐九尾而自擾嘉穎合穗以蓐  
蓐醴泉涌流而浩浩顯禎祥以曲成固觸物而蕪造蓋  
亦明靈之所酬酢休徵之所偉兆眈眈率土遷善罔匱  
沐浴福應宅心醴粹餘糧栖畝而弗收頌聲載路而洋  
溢河洛開與符命用出翩翩黃鳥銜書來訊人謀所尊

鬼謀所秩劉宗委馭巽其神器闕玉策於金縢案圖錄  
於石室考厯數之所在察五德之所蒞量寸旬消吉日  
陟中壇卽帝位改正朔易服色繼絕世修廢職徽幟以  
變器械以革顯仁翌明藏用玄默菲言厚行陶冶染學  
讐校篆籀篇章畢覲優賢著於揚厯匪蘖形於親戚本  
枝別幹蕃屏皇家勇若任城才若東阿抗旂則威嶮秋  
霜擒翰則華縱春葩英詰雄豪佐命帝室相兼二八將  
猛四七赫赫震震開務有謚故令斯民覲泰階之平可



比屋而為一算祀有紀天祿有終傳業禪祚高謝萬邦  
皇恩綽矣帝德沖矣讓其天下臣至公矣榮操行之獨  
得超百王之庸庸追亘卷領與結繩睠留重華而比蹤  
尊盧赫胥義農有熊雖自以為道洪化以為隆世篤玄  
同奚遽不能與之踵武而齊其風是故料其建國析其  
法度諮其考室議其舉措復之而無斂申之而有裕非  
疏糲之士所能精非鄙俚之言所能具至於山川之倬  
詭物產之魁殊或名奇而見稱或實異而可書生生之

所常厚洵美之所不渝其中則有鴛鴦交谷虎澗龍山  
掘鯉之淀蓋節之淵抵抵精衛銜木償怨常山平于鉅  
鹿河間列真非一往往出焉昌容練色犢配眉連玄俗  
無影木羽偶仙琴高沉水而不濡時乘赤鯉而周旋師  
門使火以驗術故將去而林燔易陽壯容衛之稚質邯  
鄲躑步趙之鳴瑟真定之梨固安之栗醇酎中山流酒  
千日淇洹之筍信都之棗雍丘之梁清流之稻錦繡襄  
邑羅綺朝歌縣續房子鱣總清河若此之屬繁富夥够

非可單究是以抑而未罄也蓋比物以錯辭述清都之  
閒麗雖選言以簡章徒九復而遺旨覽大易與春秋判  
殊隱而一致未上林之隤牆本前修以作系其軍容弗  
犯信其果毅糾華綏戎以戴公室元勲配管敬之績歌  
鐘折邦君之肆則魏絳之賢有令聞也閒居隘巷室邇  
心遐富仁寵義職競弗羅千乘為之軾廬諸侯為之止  
戈則干木之德自解紛也貴非吾尊重士踰山親御監  
門謙謙同軒擗秦起趙威振八蕃則信陵之名若蘭芬

也英辯榮枯能濟其厄位加將相室隙之策四海齊鋒  
一口所敵則張儀張祿亦足云也摧惟庸蜀與鵠鵲同  
窠句吳與鼃黽同穴一自以為禽鳥一自以為魚鼈山  
阜猥積而崎嶇泉流迸集而呖咽隰壤濺漏而沮如林  
藪石留而蕪穢窮岫泄雲日月恒翳宅土煊暑封疆障  
厲蔡莽螫刺昆蟲毒噬漢罪流禦秦餘徙剝宵貌叢陋  
稟質蓬脆巷無村首里罕耆耄或魑髻而左言或鏤膚  
而鑽髮或明發而嫿歌或浮泳而卒歲風俗以蜚慄為

嬖人物以戕害為藝威儀所不攝憲章所不綴由重山  
之東阨因長川之裾勢距遠闕以闕閼時高櫟而陞制  
薄戍繇冪無異蛛蝥之網弱卒瑣甲無異螳螂之衛與  
先世而常然雖信險而勦絕揆既往之前跡即將來之  
後轍成都迄已傾覆建業則亦顛沛顧非系卵於疊碁  
焉至觀形而懷怛權假日以餘榮比朝華而菴藹覽麥  
秀與黍離可作謠於吳會先生之言未卒吳蜀二客矐  
然相顧睟焉失所有醜憎容神蕊形茹弛氣離坐煥墨

而謝曰僕黨清狂怵迫閭閻習蓼蟲之忘辛翫進退之  
惟谷非常寐而無覺不覩皇輿之軌躅過以汎剽之單  
惠歷執古之醇聽兼重性以貶繆徧辰光而罔定先生  
玄識深頌靡測得聞上德之至盛匪同憂於有聖抑若  
春霆發響而驚蟄飛競潛龍浮景而幽泉高鏡雖星有  
風雨之好人有異同之性庶覲蔀家與剝廬非蘇世而  
居政且夫寒谷豐黍吹律暖之也昏情爽曙歲規顯之  
也雖明珠兼寸尺璧有盈曜車二六三傾五城未若申

錫典章之為遠也亮曰日不雙麗世無兩帝天經地緯  
理有大歸安得齊給守其小辯也哉

右賦魏都

辨蜀都賦

有序

宋王騰

人物習性有忠有邪有智有愚出於才行而不由土產  
自趙諗狂圖好事者類指以疵蜀人蜀之衣冠含笑強  
顏無與辯之者余嘗切齒焉及讀左思賦見其薄蜀陋  
吳詔魏以諛晉之君臣苟售一時之聲價而滅天下之

忠義晉之公卿一口稱譽風俗頽矣士無特操以陷四  
朝於五胡卒貽萬世之愧夫魏者漢之賊也原思之詞  
似欲尊正統而黜偏方然不顧正氣之淪溺乃知蜀之  
橫被狂抑其所由來者久矣故作辨蜀都賦以申蜀人  
之憤氣其畧土風採撫人物不該乎治亂興廢之變  
邪正是非之理者不在鋪布之限非若前輩之詞主於  
類聚山川毛舉動植以煥文采之美觀悅誦讀之利口  
而已也



辨疑先生核理儲思欲析蜀都未繹其辭客有東方者  
過而問之曰昔者太沖構十稔之意搜三都之奇文成  
示人張華見推士安序焉盛傳於時豈其猶有未盡而  
夫子欲糾其所違先生曰嘻子未之知也吾蜀立極之  
初域民之始井邑山川之秀人物風俗之美是則左思  
備言之矣然而論列人材詳明士類第言文藻之華揆  
不及蜀人之忠義遂與吳俗例加抑忌非特沒其實美  
且沮之以橫議川靈為之扼腕嶽鎮為之憤氣吾以此

為有遺恨故申言其所以夫品物流形九土分數惟有蜀為極險之區羊腸繞其垠鵠鳥道駕於至虛行者却履以視棧乘者投繩而鉤車驗太白之所賦益未髣其錙銖實天限而地隔故山峭而川迂宜若與中夏否閉而不通其車書然而朝宗之水浩浩而南傾內附之山峨峨而東蹙口呀雙劍若郤岐虎啗之吻尾拽終南乃咸雍金城之麓以其有所附屬而不能自立故命名者號之曰蜀自西而東昔本無途金牛詐言五丁是除吾

人由之既艱且虞一夫舉足十夫荷儲食黃白以骨立  
卧冰藜而裂膚蜀士遠於進取蜀民疲於轉輸歎天閭  
之已邈望秦隴以長吁然且連綱之運應聲穿領之牛  
係路陟長坂以猶及繞大江而不悞指日而物不緩期  
按籍而民無逋戶邊餉以需上供有裕悉陸海之攸產  
飽神困之所聚五季之阨王朴獻謀謀先取蜀以阜兵  
餽餽足兵強乃征方州時乏遠御朴言不酬及我太祖  
篡如扑策蜀定國富次平諸國蜀於是時興王有力嚮

者孟氏撫偃矜憐惠愛其人捐租五年及我王師宣威  
三川卒無一夫東嚮而控弦蓋傾心於正統眎私恩猶  
缺然是使偽命牽羊偏方銜璧顧旌燾以涕泗仆達衢  
而思積感恩之意則誠効順之心自直豈若他邦之蠢  
愚怒螳臂於車轍由古而來可得而聞李雄劉闢季連  
公孫因仍世難割據坤靈盜蜀而王踵起而霸類非蜀  
人三國之際異方鼎峙若南若北輔吳崇魏惟我蜀人  
不私非類雖輔璋戴備以自固猶謂吾君之子而卒臣

劉氏晉宋而下南北風馬南鬱屈以遊魂北陸梁而騁  
駕衣冠稽首於左袵濟洛順風於氏霸惟此西土爰歸  
南化豈赴弱以背強蓋惡夷而即夏迨蕭紀之不令沂  
岷江而僭正梁人召寇以救亂魏氏懷姦而託信彼實  
包藏此惟附順逆施不惠於宜都內潰爰從於遲迴豈  
瞻顧於北風蓋欽恭於王命不惟蜀人不盜蜀都歷代  
以來亂離間起在內在外為姦為宄董卓桓氏元載朱  
泚龐勛劉闢樊崇韓遂懷兇扇悖言不詳紀試攷譜牒

按其間里苟揮羿浞之戈悉匪岷嶠之士在唐中弱齊  
蔡幽并諧結諸鄰脣齒相因叛主之師逐帥之黥陸梁  
百年不為王臣是亦何嘗連吾蜀民帝室內訌孽牙匪  
彘震動萬乘再狩於西民與其帥開闢迂之天王蒞止  
百官六師國用告乏衆艱於饑與其吏民縑粟輸之比  
其還歸恬不知危茲蓋處平則率理以奉京邑之靈遭  
變則自完以待中原之睦欲攜之則難叛欲一之則易  
服豈特文有餘而武不足邪亦其天資正順而敦篤近

者趙諗圖結巴渠包藏厯年困於無徒爰及吳儔妖謀  
是趨蜀人白發遄服其誅由是言之蜀何負於君王歟  
思徒見其鄰於西夷遠於上國誚丘壑之險鄙方隅之  
僻但分中外之質麗不決正邪之名實胡所據邪成周  
之盛四海同風冠帶所加古無比隆淮徐連齊魯之軫  
而有夷伊洛按豐鎬之都而有戎方春秋之尊夏視吳  
楚猶貉蟲大周宗伯而不數抑又矧於閩中雖今俊乂  
之所出在昔語言之不通是則與我均為遠服安得妄

論其異同然而自差觀之華陽黑水別封畛於堯籍岷  
山導江厯經營於禹跡秦氏剖符李冰擁節五政七賦  
被自古昔而四載所至南止荆揚之域荆揚之民島夷  
卉服矧又過此以往邪百粵之取始自漢武郡國雖叛  
衣冠未楚所謂粵人無用章甫常充化之士乃文舉然  
則論淺深之時較久近之序烏可與蜀同日而語王莽  
元舅霍山冢勲遺愛帝塚林甫皇孫許李聯階於黼座  
封裴接棟於楓宸既同心於肺腑亦託體於親鄰逞螟



螫之毒噬為虺蝮於君親是則勢踈者未必孽惡地近者未必誠純我雖遠於國而忠則邇也高下既別一凸一凹太行成皋三門二嶠或壯帝王之形勢或資姦盜之魚休或王路之攸梗或伏兵之所交正用之則亦在德只邪憑之則遂為寇巢吾人之心如砥吾人之行如螳結羶美於一心捐崎嶇於萬里申韓生於中土不免為僻學鄭衛作於中州不免為僻樂九野同列於地何獨非梁益之墟四隅無私於天曷常戾西南之角况乎

江行地脈鮮決埽而敗岸星直天狼工弭姦而觸惡肖  
此正氣挺吾先覺節以遇立文非苟作王褒明君臣之  
合何武憤福威之削張綱扼腕於跋扈揚子甘心於寂  
寞相如不數子昂見却謂誦述以阿諛恐吾徒之貽忤  
才高則委靡面覲氣直則回邪膽落彼徒嫉於西子殊  
不慙其鄭璞不意兒曹憎其志行之僻反以居處僻我  
也且圃植蕙而菜育畦疏禾而莠生梟倫鳳族蜺肖龍  
蟠君子小人常溷其間古何邦而無佞亦何地而無賢

龜蒙孔孟之攸宅冀北唐虞之所營宜丘門之不雜何  
黷黨之橫行鯀為父而禹子蔡為弟而旦兄導挺節而  
敦逆奕推忠而杞姦彼為同屬以行異况指一方而槩  
言吾請與子姑置遠近之殊而撫正邪之辨晉取之魏  
魏取之漢功非定亂位實圖篡思誠晉人言諛而辯辭  
抑蜀以黜吳志惜魏而佞晉魏為高廟之寇賊蜀寔中  
山之宗姓不然何故進亂世之姦雄而沮先王之枝屬  
乎况蜀以得賢而王以失賢而亡魏以已篡而張以人

纂而戕彼賦魏事徒言刑罰之清平胡不言文若之殞  
命也彼言忠良之聚會胡不言三馬之食槽也詞未及  
已客奮而起獲聞高義欽服厥旨歎草澤之空言不能  
廷辨於天子



御定歷代賦彙卷三十二

# 欽定四庫全書

集部

御定歷代賦彙卷三十四

詳校官檢討臣劉忻

主事銜臣徐以坤覆勘

總校官編修臣王燕緒

校對官中書臣嵇承志

謄錄監生臣陳瞻燧

欽定四庫全書

御定歷代賦彙卷三十三

都邑

兩都賦

有序

唐

李庾

臣伏見漢諸儒若班固張衡者皆賦都邑盛稱漢隆當  
王道昇平功德丕赫數子歌詠發著後代今自隋室遷  
都而我宅焉廣狹榮陋與漢殊狀言時則有六姓千齡  
之變言地則非秦基周室之故宜乎稱漢於彼述我於

此臣幸生聖時天下休樂雖未及固衡之位敢效臯陶  
奚斯庶幾之誠謹冒死再拜獻兩都賦凡若干言以詘  
夸漢者昭聞我十四聖之制度請付史氏賦曰

洛汭先生客於上京問里人以秦漢咸陽故事里人曰  
先生不習乎哉秦址薪矣漢址蕪矣西去一舍鞠為墟  
矣代遠時移作新都矣先生曰賓者不識藐然老沈憫  
歲亡而日遠願聞古而知今為我源說恭承玉音里人  
曰昔者帝兆唐居命隋先基乃假隋權是開中原既權

二年為唐遷都周榛秦莽平無耕餘文驅煬逆卒於侑  
傳若天使項氏死勞而授漢休也唐開禪壇新都之門  
闢殿乾宮以朝諸侯時則有若房魏作弼英鄂執律南  
陽故人河間帝室戎衣既脫瑞氣洋溢歡聲傳於億兆  
煬燎致乎太一乃會漢酺發周賚謐萬類淳四海遂開  
國以報功差子男之五等然後構閣圓形榮號凌煙指  
河帶以山礪書天子之縉紳其制度也擁乾休正坤儀  
平兩曜據北辰咸陽而會龍首右社稷而左宗廟宣



達周衢址以十二棊張府寺局以百吏環以文昌二十四署六部提統按星分度儼憲臺而西列肅陰館於壯戶建倍員於前王總維綱於御史端國

原本闕八字

朝儀實周

察乎左右其內則有太極承端通址含元日出東榮月沈西軒倚九變之下麓涵太液之清瀾龍道雙迴鳳門五開煙籠凝碧風靜蓬萊東則左閣當辰延英眈眈宣徽洞達溫室隅南接以重離繇乎少陽是為二宮複道邃廊西則月華重啓銀臺內向中書在焉密用宰相宦

者別省延緣右藏建子亭於屏外設簾錡於廡下天子  
端朝明度九賓發少府之冕疏陳奉常之書勳肅勾陳  
以辟護翼雉扇而對分離人乃下鶴唱先聞千官就日  
萬品趨雲漏遲遲而東轉風習習而南薰外則國子招  
徒疏館開軒左立太學前惇廣文膳豐中廚就教九年  
稽以博士總之成均祕書典籍品命校郎橫閣三重闌  
正鉛黃若六藝之條貫百氏之縱橫交錯發論禮形而  
樂聲太傅在前少傅在後載言載筆出納謨誥鵷動鸞

飛振玉鏘金殷廟羞瑚璉之器楚材慙杞梓之林已而  
變和陰陽經緯天地採撫軒昊牢籠虞夏關孔子之學  
堂敷一代之風雅此王者之文教也親兵百萬制以神  
策紫身豹首金腰火額獵霞張旆剝犀綴革奮目而虎  
背振髯而蝟磔柔六鈞貫七札對天仗以司戈分玉墀  
而執戟別有陳旌賜鉞聞外四七依榆關以作鎮拒柳  
營而開壁逐虜則出塞飛塵伐叛則救暘作澤此王者  
之武威也唐禮既行三代同風徵叔孫之春官命伯夷

之秩宗則有封禪巡狩謁天拜祖明堂辟雍王者之事  
有司勿失次有朝廷之位班爵之序器服車馬以節文  
武不僭不濫羣臣之事有司以告下有內族外姻以殺  
以隆五禮各殊陳吉儀凶一室是形天下大同百姓之  
事有司以教故以內則敬以外則嚴以家則肥以國則  
昌卿士翼翼公侯皇皇在野熙熙在朝蹒蹒夫如是夸  
周而正魯胡可殫詳洎乎樂之設也以德配樂陳器以  
作草木匏竹篲簾磬鎛命官二署諧以協律以奏廟貌

祖考來格以陳宮庭簫韶九成鳳凰來儀以布天下手  
之舞之足之蹈之及乎御屑衣集舞童或獻凱作名以  
宣帝功或布字綴行以達皇風此禮經之所未紀夔夏  
之所不同刑期無刑辟以止辟三章置漢祖之德肆赦  
緩穆王之法於是天子御端門詔天下渙汗發澤與民  
更始建金雞於仗內聳修竿而揭起其下則稅三關解  
銀鑰追共工徙驩兜舜紘決堯年臺收白簡史閣丹  
筆總秩官之計料不踰乎三十斤匡衡之失論罪溫舒

之不足司刑無鬼哭之庭大理有烏巢之獄又若薦祖  
建宮玄元之庭霞帔雲冠飄飄太清天子將有事也歲  
旦時籩夏簋殷銅傳金爐之御煙開甲帳之琳琅此王  
者之示孝也對里連街帝宅王家青門列檻棠棣分華  
勤政外名花萼中題屹雲中而佩鳳香天外而舒蛺於  
是天子設千席羞百醴家人齒筵愉愉濟濟此王者之  
示悌也盛則長隄砥平錯則纓弁繁夥佩印分魚九參  
方佐肅威儀於行蓋指戒途於前馬待漏未開朝騎沓

街雞鳴朱邸火度青槐先導壁雲後車奮雷遞以嚴聲  
不生微埃人寒物慄統以京尹臨人秉殺罔敢不謹豪  
家戚里金張許史走騎如龍行車若水拉枯請命曾不  
仰視配前秦與後趙固異代而殊擬其地勢也負秦章  
臺倚漢甘泉帶涇渭之富流挾終南之壽山指重城於  
二華拓外門於兩關玄素交川灞滻在焉斷虹偃蹇而  
亘梁拖輪走驟而蹄奔度萬國以向朝趨魏闕之通門  
赤縣統劇停阡帝鄉長安萬年乾封明堂藍田左倚鄠

杜前張分圻連乎馮翊畫疆接乎岐陽排吳山而抵蜀  
亘氏谷而通商天子穆清環衛陳兵將軍之號三番六  
營至乃辨曉警昏主在金吾鼓列六條外傳通衢備以  
嚴兵羅以周廬禁動息人用戒不虞其中則御水分溝  
昆明下流在野決溉入宮環洲菰織蒲紉芡贅菱羞渚  
戲玄鷗沙眠白鷗其遠也深有蛟潭派作龍湫溪接河  
漢波通女牛其近也方塘含春曲沼澄秋戶閉煙浦家  
藏畫舟爾乃農家東作厥土黃壤樹以桑柘翳薈乎南



畝以秔以稌以稷以黍以輸太倉天子之儲土厚地中  
溫寒以宜門多杖老室有蕃兒承化發謠帝力不知則  
有程鄭之家白闥朱軒崇基峻砌待駟高門木秀茸葩  
紅舒綠繁挺碩果於華林育豐蔬於中園珠箔畫晦金  
缸夜明羅繡巾幘鼓瑟吹笙譁族陳賓以樂乎太平貨  
隧分廛物次駢連中署肆師夕咽朝昏越璞楚琛蜀賄  
巴寶裁綺張繡紋軸蕉筒聲教之所被車書之所通交  
錯雜沓斯馬會同黃宅緇廬金篆玉局以張帝居用壯

天庭千形萬聲不可多名天子奉堯舜之道勤后稷之功當仲夏而獻鴈立中和而視農然後黼黻時備粢盛告豐其接下情也則堯鼓不懸晉木不列鎔金作軌四門是揭人靡迷邦士無諱訐示收才而問青上諫行而冤達當其萬國貢珍四夷納賁賦用舟通財因輦進地官計國度支主吝百姓既足斯焉充牣復若天府萬品以備供職登饌則光祿獻廚命駕則太僕承軾其樂人也大啓九門分開三殿齒羣臣於次坐徵公族於內宴

於以訓恭儉於以示慈惠戲族咸在百弄迭改視仙童  
之霓裳覩壯夫之角觝御階畫陰帝座春深繽紛宦闥  
窈窕嬪林既受賜於逮昏盡拜帛而懷金與衆之樂一  
日於此先生獨不習乎其四郊也或有乘時之舊址亡  
國之遺蹤天子迎四氣盡然改容曰是足以懷傷於耳  
目作戒於心胷昔秦政肆刑秦民共傾楚澤大呼分隳  
列城徒罷驪山役休上林秦址既遷鴻門至今此東郊  
之事也隋苑廣袤置籠南山占地萬頃不爲人間齊門

失耕禽遊獸間代謝物移繚垣不完此南郊之事也豐  
水悠悠文王作周傳艱子孫衰平遂遷乃睠鎬都武王  
宅居國失赧邈鄴鎬皆蕪此西郊之事也漢設五時以  
主淫祀樂誑徐誣將求永久天子親拜太牢泰牡事亡  
地存為天下笑此北郊之事也故因迎春則鑒秦敗知  
恃刑不如恃德也因迎夏則鑒隋怠知獵獸不如獵賢  
也因迎秋則鑒周勤知祖基作艱傳萬年也因迎冬則  
鑒漢誤知去淫即正獲天祚也四鑒以陳澤於生人四

德以懋格於上下故我高祖一呼大定安都居正傳今  
皇帝一十四聖是知禪國也禪都也非得隋之命是得  
天之命

右賦西都

先生曰富哉言乎堯舜之事吾知之矣然天地旁魄奧  
區不一九衢六陌亦稱河洛始乎周卜今自隋革進八  
百里作唐東宅成者居者余得其故用悉聞見丕我王  
度子不識乎顛煬僨華中原毒痛順天應人文皇赫圖

王充不來建德相依阻我東人不蘇義旗高祖西安文  
皇舞干一挂戎衣邦人保完彭城獻級東功乃立則創  
業之事不獨於西也至天后朝匪伊是居於焉逍遙明  
帝大同出震開宮恩波爾鄉洩源於東則太平之事不  
獨於鎬也若乃用洛為池帶河為沼洞八門之會要控  
二梁之天矯在隋之始劃前規之隘侈舊制之陋指半  
舍而薪布乃集工而成就重城不居萬盜齊構訖大業  
於義寧廓皇家而遜授既而天踵以正地產以實禎符

所記嘉名不一表賢則河水變清瑞聖則洛圖屢出帝  
功既成封禪禮行顯祖光宗勒岱而祈嵩我甸我郊三  
聖之靈壇在焉赤縣神州與京比儔徑山東之貢賦扼  
關外之諸侯直齊梁而駕輅引淮汴而通舟太行枕甸  
發址崇垓覃懷鎮封上千昭回鑿門導伊兩阜屏開育  
仁頤智堂與庭隈爾其左掖通東右掖洞西籠故地之  
銅駝抱舊里之玉雞御溝接派苑樹通堤抗鳳樓於內  
庭矗端門於天街上陽別宮丹粉多狀駕瓦鱗翠虹梁

疊壯橫延百堵高量十丈出地標圖臨流寫障霄倚霞  
連屹屹言言翼太和而聳觀側賓曜而疏軒若蓬萊之  
真侶瀛洲之列仙鸞駕鶴車往來於中天巖城曉啓千  
門萬戶建衛對營開局接牖翠華在鎬分官以守監署  
惟三卿曹亦九臺閣高閼支馭東方仍俾二官別持憲  
綱赫若夏日凜如秋霜威動乎甌閩之國風行乎燕薊  
之鄉郊圻作固兵屯孟津千里無煙萬夫狺狺實兼武  
牢以食濟溫惟是咽喉屬於將軍禮樂所流厥惟舊周



追魯俗而為鄰化殷頑而作柔異材挺擢多士優游原  
膴膴而耕溺水濺濺而洗由士得天爵孝稱行原身行  
大節里有旌門以繼前修以垂後昆榮一時之史籍聳  
當代之人倫兄友弟恭位皆崇榮石記標衢棣萼為名  
螭頭龜趺巍峙雙形指兩馮而遠邁封二陸而遐征至  
若里巷之新名閭閻之近革或區區於傳說或瑣瑣於  
典冊非儆戒於將來何侈言之敢作且二誥尚存始卜  
惟艱四姓所都季年乃遷或得於聞或得於傳幸予勿

譁試為子發乎齒牙里人曰諾先生曰邾郚之地中居  
帝域賢相聖營龜符墨食成王定鼎以休姬德三十承  
孫八百祚年祖功寔微衰平乃遷幽用婦烽諸侯疾怨  
夷元敬朔太史不頒百派分波爭涸其源汜水而鄭陽  
翟而韓晉盟河陽秦戍新安一旅之兵一同之土嬴氏  
乘之不享文武此周之失都也南陽真人復運漢基舊  
邦惟新上稱康時光武而釀明醴和醅沖質不長桓靈  
自縱后戚立權內官分弄四星耀斗百桷摧棟陽弱陰

強劉輕曹重此後漢之失都也魏丕徙許促齡四十彊  
臣執柄三嗣徒立政由甯氏王髦莫奮瓦解土崩炎居  
奐遜此魏之失都也晉始三世亂興永嘉蕭牆構兵沈  
閔稱戈浩浩逆流天下墊波八王既分五馬南奔左衽  
之裘乃來中原此西晉之失都也故權在諸侯而姬氏  
平權在內官則漢室傾權在強臣則魏狂權在親戚則  
晉走是四者各以其故權與勢移運隨鼎去從古如斯  
謂之何如世治則都世亂則墟時清則優偃政弊則戚

居勿謂往代試言前載開元太平海波不驚乃駕神都  
東人誇榮時則麟麟其車殷殷其徒行者不齋衣食委  
衢冠冕之夫綺羅之婦百室連歌千筵接舞高樓大觀  
陳賓宴侶金堂玉戶絲哇管語我道如堯我稅如貉貧  
庾而稻賤筭而稅比屋相視恥衣空帛開場分肆不列  
麴麥同軌同文晝呼夜譴父懌子愉去經而盤既兆既  
億動動植植無聲之樂薰然不息稽成康之周隆考文  
景之漢休推代繫時不為彼優我裕既饒我人既驕安

不思危逸而忘勞故天寶之季漁陽兵起逆旗南指我  
無堅壘匝旬輦動衝天羯腥門開麗景殿據武成殺人  
如刈焚廬若難蜀駕先移盾師後誓傷四年之委燼奮  
二將以建勲天落妖彗風摧陣雲及夫埽臺榭之灰收  
京野之骨徵郡國之版在驗地官之籍列太平之人已  
十無七八至德復興六紀於茲七聖儲休平灘補瘼茲  
含識之士女植髮之童兒皆能痛其喪亂而期我康時  
今四方之事叟不知也惟洛泱泱濱盈萬室惟城職職

市鄜駢集比年大有稍藏以實都人嬉賀有笑無慄咸  
曰將覩乎貞觀之風開元之日鄉里之人思萬乘之威  
儀幸物阜而時和指康衢而引領作望幸之賡歌歌曰  
曉雲行兮西風慶搖裔兮龍在中望雲光兮拜千百西  
澤霈兮均東澤里人曰誠哉是言前年日南至天子謁  
太清太廟郊天祀地既畢事執謙端珽謂公卿大夫曰  
予在人上歷祀三四年穀比登未極於富人庶稍蕃未  
臻於壽動植小遂猶有枯天日月所至猶照叛土戎狄

雖貢西地猶虜今行大禮得不媿望於天而獻羞於祖  
是尚以聖政為憂未意於行幸也先生曰大哉為君用  
是言也理是事也則千里如郊萬里如圻在西而東均  
處內而外肥吾歸息鄉里之謠安堯舜之時將齊驅於  
壽域何近喜而遠悲則知鑒四姓之覆轍嗣重葉之休  
烈用是言也理是事也即所都者在東在西可也

右賦東都

汴都賦

有序

宋

周邦彥

臣邦彥頓首再拜曰自古受命之君多都於鎬京或在  
洛邑惟梁都於宣武號為東都所謂汴州也後周因之  
乃名為京周之叔世統微政缺天命蕩杙歸我有宋民  
之戴宋厥惟固哉奉迎鑾輿至汴而止是為東京六聖  
傳繼保世滋大無內無外涵養如一含牙戴角莫不得  
所而此汴都高顯宏麗百美所具億萬千世承學之臣  
弗能究宣無以為稱伊彼三國割據方隅區區之霸言  
餘事乏而三都之賦磊落可駭人到於今稱之矧皇居



天府而有遺美可不愧哉謹拜手稽首獻賦曰

發微子客遊四方無所適從既倦遊迺崎嶇遭迴造於  
中都觀土木之妙冠蓋之富煒煜煥爛心駭神悸睽睽  
而不敢進於是夷猶於通衢彷徨不知所屆適遭行流  
先生目而招之執其袪局局然歎曰觀子之貌神采不  
定狀若失守豈非蔽席隱茅未遊乎廣廈誅草鉏棘未  
擷乎蘭茝被褐懷緼未曳乎綺縠微邦陋邑未覩乎雄  
藩大都者乎發微子姁然有赧色曰臣翔翔乎天下東

欲究扶桑西欲窮虞淵南欲盡反戶北欲徹幽都所謂  
天子之都則未嘗歷焉今先生訊我誠有是也然觀先  
生類辯士其言似能碎崑崙而結溟渤鏤混沌而形罔  
象試移此辯原此汴都可乎臣固不敏謹願承教先生  
笑曰客知我哉於是申喙據牀虛徐而言曰噫子獨不  
聞之歟今天下混一四海為家令走絕徼地掩鬼區惟  
是日月所會陰陽之中據要總殊揭鍵制樞拱衛環周  
共安乘輿而此汴都禹畫為豫周封鄭地背觴臨而上

直實沈分以為次推蓬澤之固境昔合廩之所至芒碭  
渙渦截其面金隄玉渠累其脊雷夏灘沮繞其脅累邱  
訾婁夾其腋梁周帝據而糜沸漢唐尹統而寧一故此  
王國襲故不徙恢圻甸域尊崇天體司徒制其畿疆職  
方辨其土地前千官而會朝後百族而為市分疆十同  
提封萬井舟車之所輻輳方物之所灌輸宏基融而壯  
址植九鼎立而四嶽位仰營域而體極立土圭而測晷  
蜀險漢全荆惑閩鄙惟此中時不首不尾限而不迫華

而不侈環睎眺於郡縣如岫嶺之迤邐觀其高城萬雉  
埤堦鱗接繚如長雲之方舒屹若崇山之礧硬坤靈因  
巋肩而跼蹐土怪畏榨壓而妥貼靡胥不可縋而登爵  
鼠不可嚼而穴利過百二險踰四塞鄙秦人之踐華陋  
荊州之却月傾捷步與超足矧蹢躅與蹉跎闕城為門  
二十有九瓊扉塗丹金墉鏤獸列兵連卒呵夜鑿畫異  
物不入詭邪必究城中則有東西之阡南北之陌其衢  
四達其塗九軌車不理輦互人不爭險易劇驟崇期蕩

夷如砥雨畢而除糞夷涕穢行者不馳而安步遺者惡  
拾而恣棄跨虹梁以除病涉列佳木以安況瘁殊異羊  
腸之詰曲或踈蹠而折轉顧中國之闐闐叢貨幣而為  
市議輕重以奠賈正行列而平肆竭五都之環富備九  
州之貨賄何朝滿而夕除益趨贏而去匱萃駟僧於五  
均擾販夫於百隧次先後而置敘遷有無而化滯抑彊  
賈之乘時推素封之專利售無詭物陳無竄器欲商賈  
之阜通迺有廛而不稅消卓鄭猗陶之殖貨禁乘堅策

肥之擬貴道無游食以無為矧敢婆娑而為戲其中則  
有安邑之秦江陵之橘陳夏之漆齊魯之麻薑桂藁穀  
絲帛布縷鮐鯢鮑釀鹽醢或居肆以鼓鑪索或鼓  
刀以屠狗彘又有醫無閭之珣玕會稽之竹箭華山之  
金石梁山之犀象霍山之珠玉幽都之筋角赤山之文  
皮與夫沈沙棲陸異域所至殊形妙狀目不給視無所  
不有不可殫紀若夫帝居安麗人所未聞南有宣德北  
有拱辰延亘五里百司雲屯兩觀門峙而竦立眾愚遐

望而相吞天河羣神之闕紫微太一之宮擬法象於穹  
昊敞閭閭而居至尊樸桷不斲素題不枿上圓下方制  
為明堂告朔朝歷頒宣憲章謂之太廟則其中可以敘  
昭穆謂之靈臺則其高可以觀氛祥後宮則無非員無  
錄之女佞倖滑稽之臣陋甘泉於楚宮繆延壽與阿房  
信無益於治道徒竭民而怠荒故今上林仙籞不聞乎  
鳴蹕瓠鬴歲久而苔蒼其西則有寶閣靈沼巍峩泛濫  
繚以重垣防以迴堤雲屋連窠瓊欄壓墀池水則溶溶

沄沄洋洋湜湜涵潤滉漾瀟瀟浩渫微風過之則瀾汎  
澆瀾漫散洄淀渠潛連漪大風過之則汨湧拾渠瀟淅  
洑汨掀鼓漾溢不見津滌舞欄景以斷續漾金碧而陸  
離恍渥渥與方壺帝令鬼鑿而神移其中則有孤弱雀  
蘆菡萏蓮葭蘋蘋蘩茹其魚則有鱣鯉魛魮魴鯢鯢  
魴鱗鮐鰕鰕歸王鮪科斗魁陸鼃鼃鼃蜃含蜃巨蜃容  
與相羊陰藻依蒲其鳥則有鴈鵠鵠鵠鵠鵠鵠鵠鵠  
鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠  
鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠



啄其木則有槲櫟枅櫨榎栟梅樅檉檉檟檟柘桑楊  
梓杞豫章句科扶疏蔽芾竦尋集弱椅施孳枝刺條修  
幹蟠根矯躩鱗皴其下則有申葉蘭茝芸芝荃蓀髮布  
絲勻馥郁清芬其氣襲人上方欲與百姓同樂大開苑  
圃凡黃屋之所息鑾輅之所駐皆得窮觀而極賞命有  
司無得彈劾也於時則有絕世之巧凝神之技悅人耳  
目使人忘疲是故宮旋室浮艫艦移也蛟螭蜿蜒千橈  
渡也虢虎臂臂角觝戲也星流電掣弄丸而揮劍也鸞

悲鳳鳴纖麗歌也鴻鷺燕居綽約舞也霆震雷動鈞天  
作也犇駟駟騷羣馬闐也轆轤輻輳萬車轍也灑天翳  
日揚埽璫也杭山蕩海歡聲同而和氣浹也震委蛇而  
唬罔象出蛟人而舞馮夷者潛靈幽怪助喜樂也若迺  
豐廩貫膾既多且富永豐萬盈廣儲折中順成富國星  
列而綦布其中則有元山之禾清流之稻中原之穀利  
高之黍利下之稌有藁有芑有秬有秳千箱所運億廩  
所露邑既夥而委積食不給而紅腐如坻如京如岡如

阜野無菜色溝無捐瘠攜拾狼戾足以厭鰥夫與寡婦  
備凶旱之乏絕則有九年之預又將敦本而勸稼開帝  
藉之千畝良農世業異物不覩播百穀而克敏應三時  
而就緒踰鎮鎧關灌畷雨靈孰任其力侯彊侯以千耦  
其耘不怒自力疏散其理稂莠不植奄觀堅阜與與疑  
疑溝塍畹畦亘萬里而連繹醜惡不毛磽陬荒瘠化為  
好畇轉名不易惟彼汴水貫城為渠並洛而趨昔在隋  
葉禊丁大業欲為流連之樂行幸之遊故鑿池導水南

抵乎揚州生民力盡於畚鍤膏血與水而爭流鳳艗徒  
見於載籍玉骨已朽於高邱顧資治世以為利迄今杭  
錢而浮舟桃花候漲竹箭比駛洶湧湓澚瀉沸澶揭  
防巖岸渚濶迅邁匪江匪海而朝夕舞乎滂湃掀萬石  
之巨艗比坳堂之一芥舵艗不時而相值篙師鼃拱而  
俟敗智者不敢睥睨而興作繇千禩而為害豈積患切  
病待聖人而後除邪厥有建議導河通洛引宜禾之清  
源塞孽華之渾濁感廣堤而節暴紆直行而殺虐其流

舒舒經炎涼而靡涸於是自淮而南邦國之所仰百姓  
之所輸金穀財帛歲時常調舳舻相銜千里不絕越舡  
吳艚官艘賈舶閩謳楚語風帆雨楫聯翩方載鉦鼓鏜  
鎔人安以舒國賦應節若夫連營百將帶甲萬伍控弦  
貫石動以千數其營則龍衛神勇飛山雄武奉節拱聖  
忠靖宣效吐澤金吾擲颺萬勝渤海廣備雲騎武肅材  
能蹶張力能挾輶投石超距索鐵伸鈎水執鼃鼉陸拘  
罷貅異黨之寇大邦之讐電驚雷擊莫不繫纍而為囚

於是訓以鶴鷺魚麗之形格敵擊刺之法剖微中虱貫  
牢徹札揮鉞擲鏃舉無虛發人則便捷器則犀利金角  
丹漆脂膠竹木以時取之遴棄惡弱割蛟革以連函剜  
兕觥以為弭刺魚服以懷鏐百工備盡鋸磨鋏削其成  
鑒鋼而銀鍤植之霜凝而電爍故有彊衝勁弩雲梯輶  
車修鍛延鋌鈇戈允及繁弱之弓肅慎之矢谿子之弩  
夫差之甲龜蛇之旒鳥隼之旗軍事蚤正用戒不虞其  
次則有文昌之府分省為三列寺為九殊監為五左選

為文右選為武曰三十房二百餘案二十四部黜隋之  
陋更唐之故補弊完罅剔巧焚蠹人夥地溥事若織組  
滋廣莫治疊疊成蠱纖弱不除將勝戕斧雖離婁之明  
目迷簿書而莫覩豪胥倚文以鬻獄庸吏瘵官而受侮  
各懷苟且以逃責孰肯長慮而却顧官有隱事國有遺  
利紛訟牘於庭所繫繫囚於囹圄此浮彼沈甲可乙否  
操私議而軋沕各矛盾而齟齬於是合千司之離散儼  
星羅於一字千梁負棟萬楹鎮礎誅喬松以為煤空奧

山而劓楮官有常員取雄材偉器者以充其數上維下  
制前按後覆譬如長蛇扶其脊膂而首尾皆赴闔戶而  
議飛檄乎房闥應荅乎秦楚披荒榛而成徑繹繳縲而  
得緒崇善廢醜平險除穢纖悉不遺乎一羽於是宣其  
成式變亂易守者刑之所取貽之後昆永世作矩至若  
儒宮千楹首善四方勾襟逢掖袞衣博帶盈仞乎其中  
士之匿華鏹米者莫不拂巾衽褐彈冠結綬空巖穴之  
幽邃出郡國之遐陋南金象齒文旄羽翮世所罕見者



皆傾囊鼓篋羅列而願售咸能湛泳乎道實沛然攻堅而大叩先斯時也皇帝悼道術之沈鬱患詁訓之荒繆諸子騰躍而相角羣賢駘蕩而莫守黨同伐異此妍彼醜挈俗學之蕪穢詆淫辭而擊摭滅冥冥之熒燭仰天庭而覩晝同源共貫開天發蔀於是俊髦並作賢才自厲造門闡而臻壺奧騁辭源而馳辯囿術藝之場仁義之藪溫風扇和儒林發秀宸眷優渥皇辭結糾榮名之所作慶賞之所誘應感而格駒行雉啣磨鈍為利培薄

為厚魁梧卓行撝鋒露穎不驅而自就復有珮玉之音  
籩豆之容絃歌之聲盈耳而溢目錯陳而交奏煥爛乎  
唐虞之日雍容乎洙泗之風誇百聖而再講曠千載而  
復覲又有律學以議刑制算學以窮九九舞象以道幼  
稚樂德樂語以教世胄成材茂德隨所取而咸有若夫  
會聖之宮是為原廟其制則殷輪之所作其材則匠石  
之所掄萬指舉築千夫運斤揮汗霏霧吁氣如雲磬鼓  
弗勝靡有諗勤赫赫大字有若山涌而嶙峋下盤黃壚

上赴北辰蕊珠廣寒黃帝之宮榮光休氣腫朧往來蔥  
蔥鬱鬱而氤氲其內則檐橑椳題亲檻楹栢閤拱闥闔  
屏宇閭閻聳張矯踞龍征虎蹲延樓跨空角道接陳黝  
聖備昉燦爛詭文菱阿芙蓉之流漫驚波迴連之濕滅  
飛仙降真之縹緲翔鵷鷺鷗之氍毹地必出奇土無藏  
珍球琳琅玕璫璵瑤琨流黃丹砂玳瑁翡翠垂棘之璧  
照夜之蠙鵠象鬣角削犀剜玉鏤刻雕鏤其妙無倫焜  
煌煥赫璀璨錯輝映繁星有爛彤霞互照軒廡所繪功臣

碩輔書太常而銘鼎彝者環列而趨造龍章鳳姿瑰形  
瑋貌文有伊周武有方召猶如蹇諤以立朝圖寧社稷  
指斥利害踟躕四顧而不撓其殿則有天元太始皇武  
儷極大定輝德熙文衍慶美成繼仁治隆之名重曠隆  
準天日炳明皇帝步選百僚拜迎九卿三公挾輶扶衡  
儀仗衛士填郭溢城於時黔首覩集百作皆停地震嶽  
移波翻海傾足不得旋耳不得聽神既安止窮閭微巷  
惟聞咨嗟歎異之聲於是山壘房俎犧樽竹籩踐列於

兩楹瞽史陳辭宰祝行牲案芻豢之肥臞視物色之稂  
駢登降裸獻百禮具成至于天運載周甲子新厯受朝  
萬方大慶新闢於時再鼓聲絕按稍收鎬儼三衛與五  
仗森戈矛與戈戟探平明而傳點趣校尉而唱籍千官  
驚列以就次然後奏中嚴外辨也撞黃鐘以啓樂合羽  
扇以如翼欣飛道駕以臨座千牛環帝而屏息爐煙既  
升寶符萇瑞聆乾安之妙音仰天顏而可觀羌夷束髮  
而蹈舞象胥通隔而傳譯宣表章以上聞奏靈物之充

斥羣臣乃進萬年之觴上南山之壽太尉升奠尚食酌  
酒樂有嘉禾靈芝和安慶雲舞有天下大定盛德升聞  
飲食衎衎燔炙芬芬威儀孔攝而中度笑語不諱而有  
文故無族譚錯立之洞衆躡廣布武之紛紜蓋天子以  
四海為宅有百姓而善羣廷內不灑埽而行禮則天下  
雲擾而絲棼故受玉而情知晉惠之將卒執幣以傲知  
若教之不存聞樂而走者為金奏之下作雖美不食者  
為犧象之出門賦湛露彤弓而武子不敢答奏肆夏大

明而穆子不敢聞蓋禮樂之一缺則示亂而昭昏是以  
宣王享士賁以殽烝而刑三晉之法高祖因叔孫之制  
而知為帝之尊宣治朝之禮物尚或展翳而沈湮此所  
以舉隆典而定彝倫者也其樂則有咸池承雲九韶六  
英采齊肆夏簫韶九成神農之瑟伏羲之琴佺氏之鐘  
無句之磬鏗鏗鏘鏘和氣薰蒸於以致祖考之格於以  
廣先王之聲昔王道既弱淳風變澆樂器遭鄭衛而毀  
矇瞽適秦楚而逃朝廷慢金石之雅正諸侯愛歌管之

教嘈文侯聽淫聲而忘倦桓公受齊樂而輟朝季子始  
無譏於鄆仲尼乃忘味於韶故使制度無考中聲寔消  
非細則擻非庫則高惟今也求器得耕野之尺吹律有  
聽鳳之簫或灑或離或鼓或馨或鏞或棧或筭或笑衆  
器俱舉八音孔調驚驚離丹穴而來集鳴嗃嗃而舞修  
翻又有賓旅巴渝之舞傑侏狄鞮之倡遠人面內而進  
跋踰山海而梯航故納之廟者周公所以廣魯觀之庭  
者安帝所以喜其來王若其四方之珍以時修職取竭



天產發窮人迹砥其遠邇陳之藝極厥材竹木厥貨龜  
貝厥幣錦繡厥服絺綌貢羽毛祀貢祭物嬪貢絲枲  
物貢所出器貢金錫礪砥砮丹鈐松怪石惟金三品惟  
土五色泗濱浮磬羽畎夏翟龍馬千里神茅三脊方箱  
櫜棐肆陳乎殿陛豐苞廣匱亟傳乎騎驛連檣結軌川  
咽塗塞邪許終歲而不息至於羌氏隸翟儋耳雕脚獸  
居鳥語之國皆望日而趨累載而至懷名琛拽馴獸以  
致於闕下者旁午迺有帛氎罽罽蘭千細布水精琉璃

軻蟲蚌珠寶鑑洞瞻神犀照浦山經所不記齊諧所不  
覩者如糞如壤軫積乎內府或致白雉於越裳或得巨  
獒於西旅非威靈之遐暢孰能出現奇於深阻蓋徼外  
能率夾種來以修好則中土當有聖人出而寧宇然皇  
帝不寶遠物不尚殊觀抵金於嶰巖之山沈玉於五湖  
之川洞剔之劍迺入騎士之鞘齧膝之馬或服鼓車之  
轅至於乾象表貺坤維薦祉靈物仍降嘉生屢起暈適  
背鏑虹蜺抱珥鳴星隕石怪颯變氣垂白鮐背者不知

有之況能言孺倪豈獨此而已也復有穹龜負圖龍馬  
載文汾陽之鼎函德之芝肉角之獸簫聲之禽同穎之  
禾依生之穀游郊棲庭充畦冒時非煙非雲蕭索輪囷  
映帶乎闕角慈蔚乎城壘鷺鳥不攫猛獸不噬應圖合  
牒窮祥極瑞史不絕書歲有可紀發微子於是言曰國  
家之有若是歟意者先生快意於吮舌而及此邪先生  
曰國家之盛烏可究悉雖有注河之辯折角之口終日  
危坐抵掌而談猶不能既其萬一此特汴都之治迹耳

子亦知夫所以守此汴都之術古昔之所以興亡者乎  
客曰願聞之先生曰繫此寰宇代狹代廣更張更弛黃  
帝都涿鹿而是為幽州少昊都窮桑迺今魯地伏羲都  
陳帝嚳都亳堯都平陽迺若昊天而授人時舜都蒲坂  
乃覲羣后而輯五瑞公劉處豳而兆王業之所始太王  
徙邠者以避狄人之所利文王作鄆方蒙難而稱仁武  
王治鎬復戎衣而致乂蓋周有天下三百餘年而刑措  
不用及其衰也亦三百餘年而五霸更起星離豆割各

據穀兵以專列彊侯脅帶於弱國不領人君之經費天下日蹙而日裂中國所有者無幾當時權謀為上雌雄相噬孰有長距孰有利臂兵孰先選糧孰夙峙孰有翹關之卒孰有憑軾之士孰有素德孰有彊倚孰欲報惠孰欲雪恥或奉下邑以賂讐或舉連城而易器骸骨布野甲冑生蟻肘血丹輪馬羣銷髀勢成莫格國墟人鬼噫彼土宇凡幾吞而幾奪幾完而幾弛秦中形勢之國加兵諸侯如高屋之建瓴水神皋天邑以先得者為上

計其他或左據函谷右界褒斜號為百二之都東有成  
皋西有崤澠定為王者之里以至置春陵之俠客興泗  
上之健吏扼襟控咽屏藩表裏名城池為金湯役諸侯  
如奴隸拓境斥地蹂躪荒裔東包蟠木西卷流沙北繞  
幽陵南裹交趾厥後席治滋永泰心益侈或慢守以啓  
戎或朋淫而招宄橫調無藝而垂竭游役不時而就斃  
盧令日縱而不紲鷺翻厭觀而常值睚眦則覆尸而流  
血愉悅則結纓而珮璫粉墨雜糅賢才逆曳腫微齧

而竊肉食賊臣迴穴而圖大器郡國制節侯伯方軌或  
為大尾而不掉或為重腿而屢震室有丹楹城有百雉  
朝廷無用於揚燎冠冕不朶於執贄天維披裂地軸杌  
柢羣生夔難而殄瘁雖有城池周以鄧林縈以天漢曳  
輦可以涉崇巘設澗可以濟深水故武侯浮西河而下  
自哆其地而進戒於吳起蓋稅政肆於廟堂之上則敵  
國起於蕭牆之裏奚問左孟門而右太行左洞庭而右  
彭蠡發微子曰天命有德主此四方如輻之拱轂如桷

之會極其砮鞏者天與之昌其闢砮者天與之亡且非  
易之所能壞亦非險之所能藏非愚之所能弱亦非賢  
之所能彊故將吞楚也白蛇首斷於大澤將繼劉也雄  
雉先雉於南陽龍檠出櫝而縻弧隱亡周之語蓐收襲  
門而天帝貽刑號之殃人力地利信不能偃植而支仆  
而皆聽乎彼蒼故鯨鯢勦解決一死於吻血兕虎闐闐  
踐巍嶽為平岡蹂生靈如塌塊簸天下如揚糠其敗也  
抉目而拊骨其成也頂冕而垂裳由此觀之土地足以



均沛澤而施靈光而已易險非所較賢否亦未可議也  
先生曰以易險非所較者固已乖矣以賢否非議者烏  
乎可哉客不聞王公設險以守其國有德則昌者乎地  
欲得險勢欲參德迫隘卑陋則無以容萬乘之扈從供  
百司之廩餼據守偏隅則無以限四方之貢職平道里  
之遠邇撫原申區割宅製里走八極而奔走正南面而  
負宸舉天下於康逵力士韉而不敢取貪夫汗縮不敢  
睨者恃德之險也襟馮終南太華之固背負清渭濁河

之注搯人之吭而拊人之脊一日有變而萬卒立具然  
而布衣可以窺隙而試勇匹夫可以爭衡而號呼被天  
府之行沃適為人而保聚此以地為險者也地嚴德暢  
然後為神造之域天設之阻大哉炎宋帝眷所矚而此  
汴都百嘉所毓前無湍激旋淵呂梁之絕流後無太行  
石洞飛狐句望浚深之巖谷豐樂和易殊異四方之俗  
兵甲士徒之須好賜匪頒之用廟郊社稷百神之祀天  
子奉養羣臣稍廩之費以至五穀六牲魚鼈鳥獸闔國

門而取足甲不解纒刃不離鞬秉越匈奴而單于奔幕  
抗旌西燹而冉駹愷伏南夷散徒黨而入質朝鮮畏蒞  
醢而修睦解編髮而頂文弁削左衽而曳華服逆節躑  
躑而取禍者折簡呼之而就戮眈眈帝居如森鋌利鋌  
之外向死士逡巡而莫觸仁風冒於海隅頌聲溢乎家  
塾伊昔天下阽危王猷失度皇綱解紐嚙豺當路帝懷  
寶歷未知所付可受方國莫越藝祖圖緯協期謳謠扇  
孺赤子雲望而風靡英雄螽趯而蠅附玉帛駿奔者萬

國冠冕充塞乎寰宇絕塞抗鎧而免軸障壘熄燄而摧  
櫓拜檻神威有此萬旅奕世載德蔑聞過舉髮櫛耒耨  
子攜稚哺擊果懋穗拔惡鑒無鉍觚角之磔刻荆欒槍  
而牧圉爰暨皇帝粉飾朴質稱量纖鉅鎧鎧奏廟之金  
玉璨璨夾楹之簠簋訓典嚴密財本豐阜刑罰糾虔布  
施優裕田有願耕之農市有願藏之賈草竊還業而斂  
迹大道四通而不殷車績馬連千百為羣肩輿捆載前  
却而後跂搏壤歌嘏者萬井未聞歌嘏而告瘡雖立墮

為界其誰敢搗膊以批捫況此汴都者乎抑又有天下之壯客未嘗覩其奧也且宋之初營是都也上睇天時下度地制中應人欲測以聖智建以皇極基以賢傑限以法士坦以大師屏以大邦扞以公侯城以宗子以義為路以禮為門鍵鑰以柄開闔以權埽除以政周裹以恩迺立室家以安吾君有庭其桓社稷臣也有槌其桷衆材會也有闡孔張通厥明也有牖孔陽達厥聰也其檻如衡前有憑也其壁如削後有據也其陞則崇止陵

踐也其極則隆帝居中也邑都既周宮室既成於是上  
意自足迺駕六龍乘德輿光警蹕由黃道馳騁乎書林  
下觀乎學海百姓欣躍莫不從屬車之塵而前邁妙技  
皆作見者膽碎迺使力士提挈乎陰陽搏撓乎剛柔應  
乎成器方圓微碩或粉或由隨意所裁上方咀嚙乎道  
味斟酌乎聖澤而意猶未快又欲浮槎而上窮日月之  
盈昃尋天潢之流派操執北斗之柄按行二十八星之  
次奪雷公之枹收風伯之韞一瞬之間而甘澤霏霏因

索羣於幽獄敷景雲而黯靄統攝陰機與帝唯諾而無  
闕如此淫樂者十有七年疲而不止諫而不改吾不知  
天王之用心但聞夫童子之歌曰孰為我已孰釐我載  
茫茫九有莫知其界客迺覩覩然驚拳拳然謝曰非先  
生無以刮吾之矇藥吾之瞶臣不能究皇帝之盛德謹  
再拜而退

御定歷代賦彙卷三十三